

B. C. D. 8
INDULGENTE GRATIOSISSIMA
FACULTATE MEDICA,
CHYMICAM
FORMICARUM
ANALYSIN

SUB PRÆSIDIO
DNI. PAULI Gottfried
SPERLINGII,

MEDICINÆ DOCTORIS,
DN. PRÆCEPTORIS OMNI PIETATIS
CULTU ÆTERNUM DEVENERANDI,
PUBLICO ERUDITORUM
EXAMINI SUBJICIET

AUCTOR
SAMUEL Gotthilf MANITIUS,

D. JUL.
ANNO CHRISTI MDC LXXXIX.
H. L. Q. C.



WITTEBERGÆ ,
Imprimebat MATTHÆUS HENCKELIUS, Acad. Typogr.

VIRIS

Eruditionis Nominisque Famâ
longè lateq; celeberrimis :

Scilicet

Medicis Consummatissimis,
DN. GEORGIO WOLFGANGO
WEDELIO,

Med. Doct. Archiatro Ducali Saxonico
& Professori Publico in Almâ Salanâ
Illustribus meritis incluto :

ut &

DN. PAULO Gottfried SPER
LINGIO,

Medicinæ Doctori & Practico
apud VVittenbergenses felicissimo.

*Dominis Præceptoribus, Patronis, atque Promotoribus
omni observantiâ & honoris cultu atatem
prosequendis*

Specimen hoc Academicum


offert

Discipulus obsequiosissimus

SAMUEL Gotthilff MANITIUS.

Q. D. B. V.

P R Æ F A T I O.

 Bjectum æqvè ac laboriosum animal
FORMICA, non tantùm olim in admirationem
sui traxit Philosophos, sed & recentioribus in
qvo se exerceant, suggerit. Sicut enim hi Ignis
examini eam hodiè submitunt; ita illi suo tempore am-
bigebant, brutumne, humanum, an divinum ipsius sit
ingenium, cum actiones edat, quæ brutorum sensus su-
perare videantur. Memor quippe hyemis, secus ac ci-
cada, æstate noctes atqve dies de victu sibi prospicit, & se-
mina, ne novâ germinatione ad alimentum usum inepta fiant,
morsu secare dicitur: Made facta etiam grana sereno cœ-
lo exsiccat, & tempestatum notitiam habere creditur, sic,
ut non tantùm quæ ante pedes sunt, nosse, sed & quæ futu-
ra sunt, prospicere videatur. Hæc *Celsus* paulò intimius
animo volvens, eam ex brutorum eximit numero, & ra-
tionali animâ præditam esse existimat, & *Cicero lib. De Na-
turâ Deorum* informicâ non tantum sensum, sed & men-
tem, rationem ac memoriam ponit. Hausisse
hæc videntur in Pythagoricorum Scholis, qui liberaliores
in animam sensitivam, non tantum rationem, sed & quod
fidem superat, loquelam brutis tribuebant. Testantur
enim veteres Democritum intellexisse loquelam avium,
& ex quarundam avium confuso sanguine serpentem pro-
duxisse, quem quicumque comederit, avium colloquia in-
tellexerit. Inter recentiores verò *Aquapendens operum*

suor cap. V. p. 327. modum docet, quomodo brutorum loquela intelligi possit, & refert, matrem quandam filio suo locutionem avium docuisse, & postea cum filius Regi dono propter artificium mittendus esset, in aurem dormientis imminxisse, ut artis oblivisceretur. Alii ulterius progrediuntur & plantis etiam sensum ac rationem tribuunt, quos inter primas tenet *Campanella qui de sensu rerum* quatuor libros scripsit, & fungos Moschum olentes esse testatur, qui loca malè olentia fugiant, & paulò distantius crescant. Simili modo *Job. Eusebius Nierembergius Hist. Natural. L. XIV. cap. 22. p. 304.* plantam in Indiâ sensitivam esse refert, quæ ad contactum & accessum hominis, vel pulveris etiam obvii adspersionem folia contrahat, & se constringat, posteaque libera se dilatet, ac si de novo cresceret. Meminit hujus etiam *Schottus in Magia Sympath. p. 434.* eamque pudicam appellat, quia tactum fugit. & *Erasmus Francisci in Ost- und West-Indischen/ wie auch Sinesischen Lustgarten p. 419.* in Brasiliâ quatuor herbæ pudicæ species, aculeo munitas esse, testatur, quæ appellantur Caaco & Iuqvini, & in Indiâ Orientali unam esse flore luteo gaudentem, quæ ad Anagallidis naturam accedat. *vid. etiam Histoire Naturelle & Morale Des Iles Antilles de l' Amerique. p. 186, des plantes sensibles.* Ex nostratibus à quibusdam ad plantas sensitivas, refertur *Perficaria* siliqvosa, sive *Noli me tangere* & *Balsamina* foemina, seu *Momordica*, ut & *filix sensitiva* quæ juxta *Clariss. Ammannū in horto Bosiano* hominis tactum ferre non potest, & ab eo rubiginosam concipit maculam totum folium exsiccantem, & jam laudatus *Nierembergius l. c. cap. seq.* testatur in Insulâ quâdam Insulæ *Cimbubon* vicinâ nasci arborem, quam alii *Psychomorum* appellant, folia gestantem, quæ cum in terram decidunt gradientur, binosque

pe-

pedes breves, & acutos habeant. Sunt quoque, qui putant plantas omnes, si non adeò altè in terrâ radices egissent, & organa haberent, vitaturas esse lædentes, doloremque voce testaturas. Nos nugas has vero admissas missum facientes, id damus operam, ne ex hâc veterum scylla, in Cartesianorum Charybdim incidamus. Sicut enim Democriti serpens nobis non est ad palatum; ita quoque brutis non omnem denegamus sensum, licet *Antonius le Grand Instit. Philos. p. 510. & de carentia sensûs & cogitationis in brutis*, ut & *Darmanson in bestia in Machinam mutatâ*, multiqve alii id operosè demonstrare gestiant. Non enim jure ad demonstrationes provocare posse videntur, qui sensuum judicium indubium vocant, quanquam nos quoque illam dubitandi libertatem in re, quæ demonstrari nequit, nobis vindicare possemus, quàm Cartesiani sibi sumunt de notis pariter ac ignotis, de principiis communibus, & ipso sensuum judicio. Quin ipse *Cartesius* in epistolâ quâdam scribit, se quidē pro demonstrato habere, probari nō posse aliquam esse cogitationem in brutis, sed ideò se non putare, posse probari nullam esse, quia mens humana illorum corpora non pervadit. Nos *Formicam* non ob rationem, quâ non pollet, dignam judicamus, ut aliquod temporis momentum in ejus investigationem impendamus, sed ob usum Medicum insignem, quatenus multorum remediorum compendium, & langventium existit asylum. Abiectum esse animal non diffitemur, sed nos, qui nostro nos metimur modulo ac pede, non esse rem parvi ingenii novimus in magis perfectorum animalium inquirere naturam, cum hodiè in tantâ illustrium Virorum frequentiâ, non nisi summo ingenio elaborata, publicâ luce digna judicentur. Inveniet tamen in hoc forsâ curiosus, in quo se exerceat, cum nusquam magis, quàm in minimis & abjectis, rerum natura tota, maximèq;

operosa sit ; adeò , ut *Augustino teste* , magis informicâ ,
quàm in cœlo Dei elucescat sapientia. Teritur
quoque Curiosorum manibus horrendus *Paulini Bufo* ,
cum *Cynographiâ* ejusdem curiosâ , & *Wurffbainii Sala-*
mandrologia suâ luce radiant ; quis *Harderi Examen Coch-*
leæ Domiportata taxat , aut *Geyeri Cantbarides* , *Oligerique*
Jacobi observationes de Ranis & Lacertis ? *Gammarologia*
Sachsi , cum *Gœdardi Experimentis circa transmutationem*
Insectorum ut & *Historia Suammerdammi Insectorû genera-*
li , *Rbedique experimenta circa generationem Insectorum* ,
nullam annorum timent seriem. Quamquam
verò nos eò audaciæ nunquam progredimur , ut in tanto-
rum Virorum numerum adoptari laboremus , cum hòc
modo formicam jungeremus Camelo , nihilominus for-
san aliqua landis pars erit , Heroum istorum legere vestigia ,
etiamsi istis ausis aliquo modo excidamus. Gratulabi-
mur tamen nobis mirum quantum , si terræ his filiabus ex
tenebricosis cavernis protractis lucis usurâ frui liceat , cum
in periculo obliuiosæ noctis hætenus vel ideò versari visæ
sint , quòd nemo earum , nisi incidenter , meminerit. Da-
bimus insuper operam , ut , sicut *Formica* pari cum Solè di-
ligentia exactè investigat omnia , ob quam causam olim
juxta *Pierium* in Istimo soli immolari solebant ; ita nos in
omnia , quæ ad usum Medicum pertinent , inquiramus se-
dulò , & ea quoque non reticeamus , quæ Eleusis Chymica
suppeditat. Quamquam verò hæc quoque ingenii nostri
vires superare videntur , in id tamen incumbemus sedulò ,
ut , sicut silices , teste , *Paræo* , itinere Formicarum à conti-
nuo itu & reditu atteri dicuntur , ita nos , quæ ingenii viri-
bus assequi non licet , sedulitate compensare queamus.
DEUS , qui magnum fecit , & pusillum , & in abjecto anima-
li , quod singulis diebus pedibus teritur , magnos recondidit
thesauros , nostris benedicat laboribus

PAGINA EX HIBENS VERAS FORMICARUM

Icones à primo ovulo ad ultimum usq; perfectionis punctum
Succrescentium:.

I



VIII



No. i & ii OVUM formiciforme, quod No. VIII per Microscopium magnitudine auctum est

II



No. iii. VERMICULUS formicæ, cuius membra jam sub pellicula succreuere, qui No. ix. majori figurâ delineatus est.

III



IX



No. iv. NYMPHA, quæ non nisi perfectionis gradu à formicâ differt, & No. x. armato oculo sculpta est

III



X



No. v. Formicæ Majores vulgò Rosameiszen.

No. vi. Formicæ minores.

No. vii. Formicæ nigrae.

No. xi. Formicæ Mas.

No. xii. Foemina formicæ auctâ magnitudine ope Microscopii.

V



VI



VII



XI



XII





De Definitione & Observationibus Microscopicis.

§. 1.

Formicarum Analyfin aggressuri, ut amabili consuetudini demus aliquid, vocabuli enodationem præmittimus; Quia verò magis rerum, quàm verborum rationem habemus, tribus saltem verbis in hac nos expedire laborabimus. Sive enim à *ferendis micis*, sive à *forandis iis*, quod grana collecta per forent, & incidant, ne progerminent, quod Hebraica vox נִמְלָה à Radice נָמַל, circumcidit, excidit, innuere videtur, sive, quod nullum animal frequentius pondera convehat, simpliciter à *ferendo*, nomen derives, perinde erit; modò animalculum illud minimum, quod Græcis μύρμηξ seu μύρμος, Germanis eine Ameis dicitur, intelligas.

§. 2.

Excluditur itaque morbus, qui apud Arabes, eò quòd omnes corporis perreptabat partes, *Formica* veniebat nomine; & μυρμηκία, quando corpus fœdis deformatur tuberculis vel verrucis, quæ μύρμηκία, vel μυρμηκία, audiunt, non est hujus loci. Non etiam nobis sermo est de *formicationis* sensu in artubus, quando eadem quasi aciculis pungi videntur, aut de *pulsu formiculante*, qui juxta *Lomium in Observ. Medicin. p. m. 346.* in febribus lentis malum signum, & juxta *Waldschmidium in Institut. Medic. rational. l. 3. cap. 3. §. 9. pag. 149.* multosque alios semper mortis nuncius est; Multò minus de *Æginettæ* populis, qui *Myrmidones* appellabantur (vel ab Heroe *Myrmidone*, juxta *Æstachium, Homerum Libr. Iliad. β. Plin. l. 14. cap. 7.* vel quia formicarum in morem terram erutam locis petrosis inspergebant, ut colere eam possent, & infoveis habitabant, juxta *Strabonem l. 8.*) hic erimus solliciti, cum & uxor Epimethei *Myrmex* huc non pertineat. *Formicinos* quoque homines hodiè nemo facile eos appellare audet, qui lepra, Impetigine, aut Scabie laborant, quod quidem Plauto familiare est.

§. 3. De-

Describimus verò *Formicam*, quod sit *Insectum* reptile, exsangve, fusci vel nigri ut plurimum coloris, sex pedibus, multisq; incisuris præditum, præbens præsentissimum dirorum affectuum remedium.

§. 4.

Insectum appellamus *Formicam*, quia est animal exsangve, carne & ossibus destitutum, multisq; gaudet incisuris, quas solas pro signo Diagnostico Insectorum habet *Aristoteles* *Q. v. Hist. Animal. cap. I. p. m. 827.* Καλὸν δ' ἐννομεῖν ὅσα ἔχει κατὰ τὸ σῶμα ἐννομαίς, ἢ ἐν τοῖς ὑπὲρ τοῖς, ἢ ἐν τοῖς ἑκατέρωθεν τοῖς περὶ τοῖς πρὸς τοῖς. i. e. Insecta verò nomino, quorum corpus incisuris præcingitur, vel parte tantum supinâ, vel pronâ *Plin. l. XI. cap. I.* Jure, inquit, omnia Insecta appellata sunt ab incisuris, quæ nunc cervicum loco, nunc pectorum atque alvi præcinctu separant membra. Cur verò tot incisuris gaudeat, non omnino liquet, nisi, quod, si suspicioni locus est, muscutorum vice fungi videantur, quia mediantibus istis repere, se vertere, movere, incurvare & explicare possunt, quod aliàs propter crustam, quæ eas cingit, duriusculam, non æquè liceret. *Sanguinis verò purpurâ destituitur*, partim, quia eadem ad actiones suas non indigent, partim, quia fortio rem motum & conq;uassationem, pluresq; digestiones requirit, quamquæ in tam exiguo commodè peragi possent corpore. Sanguinis tamen defectum supplet humor quidam viscidus, gelatinosus, aëre vitali turgidus, unde in pediculo, eo ipso, dum sanguine nutritur, *Hokius in Micrograph. sua* maculam albam motu continuo agitari, partemq; in venas distributam omnino esse albam beneficio telescopii notat, & a succo isto, omnes, quas edit operationes actionesq; dependent. *Carnis & ossium loco* membranis gaudent fibrosis, fibris-

brisque membranosis.

Reptile est animal, non

ut serpens, & alia animalia pedibus carentia, quæ se humi perventrem à loco in locum movent, sed quatenus ab animalibus gradientibus, volatilibusque distingvitur.

S. 5.

Armati verò oculi examini exposita *Formica*, tota ex cuticulâ fibrosa, quam ad corneam naturam accedere dixeris, contexta videtur. Totum verò corpus ferè, ut in animalibus perfectioribus, in tres ventres, seu Cavitates, *Caput*, *Thoracem* & *Ventrem* Infimum discernitur; ubi (1) *Caput*, quod in *Icone XII.* litera a indicat, inæqualiter rotundum est, coloris, ut totum corpus, spadicei, ob quem superstitiosè per somnium visæ formicæ inauspicatæ olim credebantur. Magis tamen obscurus color est in mare, quam in foeminâ, imò dantur etiam minores, quæ colore penitus nigro gaudent, & instar picis splendent, de quibus *Icon VII* videatur. Gaudet vero caput (1) *binis* oculis, jam in *Nymphis* litera d Figur. *XII.* conspicuis, licet eos *Cardanus L. 9. de Subt. l. p. 659.* planè eis deneget, & quod terrestre sit animal, visu non indigere putet. (2) *binas* etiam *antennas*, quas lit. f. f. *Icon XII.* monstrat, sub oculis prominentes conspicias; quæ ex duodecim articulis tenerrimè sunt compositæ. Extra caput (3) se exserit *rostrum*, quod lit. e indigitat, & duplam quasi dentium seriem exhibet, quarum utraqve arcuatim sibi invicem obvia septem plerumque, nisi Microscopium fallit, ferratas incisuras, five dentes totidem constituit. (4) *Punctula* denique *albicantia tria* utriqve sexui communia *litera i* notata in capite conspicienda sunt, non secus, ac in apum quoque capitibus, observavimus. Hæc verò an oculi sint, quorum magnam quantitatem in Insectis quandoque notarunt Curiosi, ambigimus. Observavit tamen *Abbas de Catelan* in *Ephemeridibus Eruditorum Parisiensibus n. 24. Ann. 1680. & n. 12. & 18. Ann. 1681.* Formicas volantes, perlas, papiliones, multaque alia Insecta oculos diversæ molis & situs habere, & imprimis culicum cristatorum capita circulo protuberante gaudere, qui totus oculis obsitus cernatur. Similiter *Henricus Power* ope Microscopii notat, sex & octo

alia punctula, sed nigricantia, in figurâ quadrangulâ & sexangulâ apparentia in capitibus aranearum esse oculos. Testudines etiam quatuor gaudere oculis in cacumine prominentiarum istarum, quas communiter Cornua appellant, microscopium testatur. Quanto etiam oculorum numero *Oskabiornus*, *Argus Islandicus* ideò dictus, gaudeat, de eo vide sis *Acta Hassniens. Barth. Volum. 5. p. 218. & Ann. 1674. p. 165. 172. & Wormium in Museo.*

(II) *Thorax*. quem litera *b* designat, longior est in mare, brevior in foemellâ, crassior tamen, & alis destitutus, quarum quatuor thoraci maris adnatæ sunt. Priores Scilicet, quas *lit. g. in fig. XI.* denotat, posterioribus duabus, quas *lit. b.* indicat, longè sunt majores, & fortiores. Has verò ideò à naturâ formatas esse conjicimus, ut non tam marem à foeminâ distingvat, quam ut ad pabulum & victum quærendum, veluti sedulus Pater familias expeditius excurrere possit mas, ubi interea temporis foemina rem domesticam curat, & educationi pullorum vacat. Quod verò *Aldrovandus p. 205. & 203.* aliiqve, formicis senescentibus demum alas tribuant, id vero non est consentaneum, cum & Nympha maris adhuc sub pelliculâ contenta alas suas monstret, sub cœruleo quasi colore tinctas, prout *Fig. IV. & X. refert. lit. S.* & observantur à Curiosis etiam in aliis Insectis, & imprimis in cindela maribus alæ, quæ in foeminis deficiunt. Curiosum est, quod de formicis alatis *Tranquillus in vita Neronis* refert, Visum se sibi esse Neronem per somnium multitudine pennatarum formicarum oppleri, ubi paulo post concitatâ in eum multitudine occubuit. Thoracis cæterum juncturæ quæ à Nobilissimo *Swammerdamio in Historiâ Insector generali* in sex, nobis inqvinq; processus terminari visæ sunt, à lumbis, qui è tribus quasi globosis constant vertebriis, & ubiqve setosis quasi pilis cinguntur, proxime conspiciuntur, sub Thorace sex robustos, rugososque pedes numeramus, quos *litera l. l. l. l. l. l.* monstrat, qui quatuor semper incisuris, sive articulis totidem insigniti sunt, *litera m. m. m. n. videndis*, ita quidem, ut ultimus horum *litera n.* notatus, iterum quatuor minores ostendat incisuras, quarum ultima in duos subtilis-

tilissimos auculeos, sive ungviculos terminatur, & literâ o, o, o, o, infigura XII. delineatus conspicitur.

(III) *Structura deniq; Ventrîs* literâ C. notata ovalis ferè est, & colore in mare nigricante, in reliquis fusco gaudet, speculique instar splendet, ac pilis hinc inde super spargitur tenerrimis.

THESIS II.

De Differentiâ Formicarum.

§. I.

QVia divisio juxta Philosophos & imprimis *Hornii in Institut. Log. L. I. Q. 5.* multum ad exactam rerum cognitionem confert, ideò hujus quoque meminisse operæ duximus pretium & quanquam alii divisionem Definitioni præmittant, nos tamen in hoc naturam sequimur, imprimis cum alii quoque à magis notis adignotiora procedant. *vid. B. Sperlingius in Medit. ad Scaliger. de Subtil. Med. IV. p. 82.* Sicuti verò omnia *Formicarum* genera nec oculis usurpare, nec sub Ignis examen vocare potuimus; ita quoque de iis saltim erimus solliciti, quæ in nostris regionibus reperiuntur. Atque sic ommittemus *Noxias*, quæ auctoribus communiter venenatæ audiunt, & vel fata depascuntur, ut in *Novo Orbe*, vel ligna erodunt, quales sunt in Indiâ Occidentali, vel deniq; homines enecant, de quibus omnibus *vid. Ulysses Aldrovandus in Hist. Insector. L. 5. cap. I. p. 205. Oviedus. in Summ. Hist. Ind. Occident. c. 52. Elianus l. X. Hist. animal. cap. 42.* Ultimæ apum æquant magnitudinem, earumque tantum venenum esse dicitur, ut non tantum læsi ab his in lethales incidant hypercatharses, sed ut Indi etiam his sagittas suas inficiant, utque iis moriendum sit, qui quovis modo ab his vulnerantur, sine ulla recuperandæ sanitatis spe. Quod si ita serres habet, dependere à sale quodam volatili, lento cuidam liqtori implicato, in telo hærente effectum hunc putamus, quatenus illud ipsum vulneribus communicatum ad massam sanguineam serpit, & motum ejus turbat. Similem tela inficiendi modum perviperæ vel serpentis humorem venenatum *Hot-*

tendottis in usu esse refert *Ten Rhyne in de Promontorio Bona spei*
p. 51. Irritant enim ibidem Hottendotti viperam vel serpentem, &
iratae ac ligatae bestiae osculo teli cuspidem infigunt, collumque
ejus praescindunt, ut toxicum exasperent. Pari modo *A-*
latas premimus silentio, quae vel in aqvilonari regione conspiciun-
tur, & incolis suave odoratumque cibum praeberere creduntur, referente
Olaio Magno l. 22. cap. I. & Aldrovando l. 5. cap. I. p. 205. ut & illas quae
arborem Peguanam Lacciferam inhabitant, & ex furculis laccam,
ut apes mel ex floribus exsugunt, de quibus *Garzias ab Horto I. 1.*
Hist. aromat. cap. 8. & Ephemer. German. Dec. II. Anno V. Obs. 40.
p. 80. videantur. Hinc ea quoque non curamus quae *Jacobus Bon-*
tius in hunc Garziam locum l. d' Medic. Indorum notat, eas nempe non
ex sola arbore, sed & aliis floribus, fructibus, & herbis colligere
materiam conficiendae laccae, cum & *Job. Bapt. Tavernier in Itine-*
rario Orientali P. II. l. 2. cap. 12. & part. 3. l. 3. à formicis quidem
confici laccam testetur, sed in Peguano regno eas supra terram con-
ficere laccam, eamque impuriorem, in Bengalensi verò regno eas
puriore laccâ arbusculorum extremos ramos incrustare. Non
etiam nostras facimus alatas istas, de quibus *Arnoldus Montanus in*
Hist. Legat. Societ. Ind. Oriental. ad Imperat. Japon. refert, quod ex
arbore nigrâ succum extrahant & exinde laccam parent, cum mul-
ti adhuc sint, qui planè id omne negent, adferantque quod ultrò
ex arborum quarundam ramis exstillet lacca, eique casu quodam
alae formicarum implicentur, quod imprimis statuit *Franciscus Her-*
nandus in Histor. Natural. Mexic. l. 3. cap. 21. Negli-
gimus porro prae grandes istas Aethiopicas, de quibus *Herodotus l.*
3. Thalia & Plin. l. 11. c. 13. referunt, quod canum magnitudinem
prae se ferant, quibus adstipulatur *Thuanus l. XXV.* qui Soliman-
no talem missam esse scribit, & *Ludolfus in Hist. Aethiop. l. 13. c. 27.*
item illas, quae in novâ Hispaniâ Scarabæos superant, & quae apud
Derdas juxta Plin. l. X. cap. 31. in luporum molem succrescunt,
vel juxta *Aldrovandum p. 199.* ad vulpium molem accedere, & au-
rifodinas istius loci effodere creduntur. Exesse tandem
& hic jubemus, quae variis coloribus conspicuae sunt, ut albo, lu-
teo, nigro &c. quarum tamen existentiam non omninò negamus, quia
Auctores fide digni earum meminere. Sic *Pausanias in Commen-*

tario de florentiff. veter. Gracie Regionib9 L. 3. refert, quod in Paphno conspiciantur formicæ, vulgaribus, nonnisi albicante colore dissimiles. *Scaliger de Subtil. Exercit. 146. §. 7. p. 606.* dicit, quod in regno Senegæ formicæ sint candidæ. Prægrandes colore albo gaudentes apud Indos reperiri citat *Aldrovandus ex Aloysio Cadamusto*, & circa montem Leænæ album formicarum Idolis seu Pyramidibus inclusarum genus conspici *Job. Euseb. Nieremberg. Hist. Natural. l. 15. cap. 13. p. 290.* refert, Soepius laudatus *Aldrovandus ex Ovied. Hist. Ind. Occidentali p. 52.* luteas prægrandes, sphericas ibidem esse adserit, ita, ut mole suâ caput ferè humanum æquent. Meminere etiam Auctores rubrarum, quæ in Brasilia dantur, Nigrarum, aliarumque quas tamen omnes nobis oculis usurpare non licuit.

§. 2.

In Europâ quantum nobis quidem innotuit, reperiuntur ferè tantum (I) *Nigerrimæ*, quæ magnitudine ad minores spadiceas accedunt, (II) *Fuscæ seu spadiceæ* minores, & (III) *Majores*, quæ aliquo modo rubro colore superbire videntur, & vulgò *Nos. Ameissen* dicuntur. Ex harum quoque numero forsan sunt Pisanae odorem Moschi referentes, quarum meminit *Paulus Boccon in Observat. Naturalibus*, qui fragrantiam istam à partibus sulphureis excrementorum quorundam salii Volatili horum animalium combinatis commodè deducit. Unumquodque verò genus ex his seorsim in propriis habitat acervis, ita, ut nunquam duo genera in eodem colle versari visæ fuerint, quod etiam *Edmundus King. in Act. Anglic. Ann. 1666. Oct. 7. p. 342.* notat. Omnes porro in Marem, cujus Icon No. XI. exhibet, & Fœminam, quæ sequenti XII. figurâ delineata est, dividuntur, quibus accuratissimus *Svammerdamni9 p. 103.* formicam operatricem impennem addidit, & in hâc neque maris, neque fœminæ partes deprehendere potuit, quapropter educationi pullorum & laboribus eam destinatam esse autumat. Differre autem à cæteris structurâ corporis in eo, quod (1) ejusmodi tres Margaritas in capite non habeat, (2) quod moles corporis media fit inter marem & fœminam, illumque magnitudine superet, sicut vicissim ab hâc superetur. (3) Juncturâ Thoracis longior sit, & angustior, & venter deniq; colorem puniceum magis plenum

præ se ferat, quàm reliqua corpusculi membra; quæ coloris spadice
cei dilutioris imaginem ostendant. Videntur verò
omnes per æstatem maximè negotiosæ esse, cum etiam de nocte
non desistant ab opere, nisi forsan in Novilunio, unde nobis tam
felicibus esse non licuit, ut operatricem accurratè notare potueri-
mus. Seligunt etiam grana maximè munda, & peculiare cellu-
las, teste *Plutarcho*, pro condendâ annonâ habent, quod ipsum in
nigris sæpius notavimus. Quod verò Midæ dormienti, cum ad-
huc puer, esset grana tritici in os congesserint, ex quo augures præ-
dixere, hunc ditissimum esse futurum, illud vel superstitiosum vel
supranaturale est.

S. 3.

Dignum quoque commemoratione judicamus, quod nuper
admodum notavimus, *esse & formicæ suam bilem*, magnasque ni-
gras inter & reliquas intercedere inimicitias, odiumque plus quàm
Vatinianum; Projectæ enim aliquot fusæ in acervum nigrarum, à
nigris citissimè interficiuntur, & cnecatæ extra acervi pomœria
deportantur. Quod si verò nigras immisceas fuscis, tunc hæ,
quantâ possunt celeritate fugâ sibi consulunt. Fusæ verò eas non
comminuunt, sed saltim agmine quasi tacto eas cingunt, & infensi
hospitis præsentiam mirantur, adeò, ut nō semper, sicut cicada cica-
dæ, ita formica formicæ sit amica. Testatur etiam *Arnoldus Monta-
nus libro de Legat. Societ. Belg. Ind. Oriental. ad Imperator Japon.* se
multoties in navibus, observasse, quod Scorpius à formicis magno
prosequatur odio. Copias enim earum aggere quasi tacto scorpionē
undiqve cinxisse, pedesque ejus lancinasse, ut quo se verteret ne-
sciret, usque dum desperabundus caudâ capiti ad motâ sibi ipsi le-
thalem ictum inflixerit. Quo facto formicas quasi triumphum
agentes scorpionem sine morâ abripuisse. Allegat hæc etiam
L. Schroek in Ephem. German. Ann. 6. p. 470. & refert unâ, scorpio-
nem etiam se ipsum interficere, clausum igne circulari. Quod ve-
rò Anno 1521. in regiis Upsaliæ & Holmiæ hortis infestis animis coi-
visse, & Christierno II. Regi Svecorum exilium denotasse dicun-
tur, teste *Olbo Magno l. 22.* illud hujus non est loci, & ex supra-
naturali fuit causâ.

Nigræ quoque sibi eligunt,
& invadunt magis arbores, quæ non tam copiosis gaudent resinis.

Hinc

Hinc citius eas reperies in Malis, Quercubus, Pyris & Corylis, pol-
lentque si comedas easdem sapore leniter falso, sed graveolento,
& qui in recessu picem liquidam redolet. Cornua quoque in his
longiora sunt, quam in reliquis & pedes, ut totum animal brevio-
res & minores, nidosque suos non in terrâ habent, sed plerumque
in arboribus, quas artificiosè excavare sciunt, ut quasi in cellulis ha-
bitare, ibique ova recondere videantur. Tales nigras formicas
nitidas *Nieremberg. l. c. l. 13. c. 43. p. 289.* in Philippicis Insulis dari
adserit, quæ sex digitos longæ, atque crassum latæ sint. & *Edmun-
dus Ling. p. 343. in Actis Anglic.* nigras, fuscas & tertium genus, non
ab simile colori Philemori dicto observavit.

THESIS III.

De Generatione Formicarum.

§. I.

Generatio Formicarum fit, æquè ac in aliis animalibus, per con-
gressum Maris & feminae, ubi in coitu femineum semen à se-
minis Masculini aurâ fecundatur, fecundatq; motus vitalis incho-
atur, continuatur & perficitur. Fœcundatum verò Fœmi-
neum Ovum, quam primum excluditur, & insensum visus cadit, est
primò alba quædam tenerrima & maximè mollis materia, quæ in
medio nigram quasi maculam, seu lenticulam maximè exiguam
habet, quæ postea in vermiculi transformatione aboletur, prout
videre est in Icon. II. & VIII. lit. q. & hoc nudo oculo simulacrum
subtilis & albi pulveris sacchari vel salis refert, quod docet N. I.
& II. vid. *Swammerdam. Sect. I. p. 3.* Hanc ipsam materiam non
in nidis tantum formicarum reperies, sed & ante exclusionem in
ipsis formicis, sæpiusque observavimus formicas hanc materiam
ore exceptam omni curâ atque studio perferre in locum abscon-
ditum, visuique non facilè subjectum, & postea, quam disperse-
ris illam, quâ possunt industria & celeritate denuo coacervare,
iis incubare, sicque omnem movere lapidem, ut pullos suos pro-
stent securos, quod etiam notavit *Edmund. King. l. c. p. 343.* Ma-
tè proinde pelliculis ovi formibus, quæ vulgò pro ovis habentur,
hoc nomen tribuitur, cum non vera ova, sed jam tertiam muta-
tio.

tionem expertæ sint, & potius Nymphæ nomine veniant. *Ovum* verò propriè dictum minimum paucos intra dies *invermiculum* acari magnitudine transit, qvi indies succrescens, humore qvodam albescende turgēt, & non solùm circa thoracem protuberare, sed & difficulter moveri videtur. Eundem hunc vermiculum induo- decim subtiles annulares qvasi incisuras distinctum, & undiquaqve setosis qvasi pilis obsitum in Iconel III. & IX. lit. r. r. conspicies. Hic porrò Vermiculus intra breve temporis spatium annularibus istis incisuris amissis, & pelliculâ distentâ in ita dictam *Nympham* abit, qvam N. IV & X. exhibet, estqve nihil aliud, qvam formica qvæ nondum plenarium perfectionis gradum acquisivit, coloreq; lac qvasi coagulatum æmulatur, & investita est lenticulâ qvâdam integumentis vice fungente, qvæ propter figuram, qvam habent ovalem seu ovi formem, ansam dedit vulgari appellationi, qvâ o- va appellantur, qvanqvàm rectius formicæ imperfectæ saluten- tur. Qvæ acurata Nymphæ cum formicâ convenientia fecit, ut, *juxta Swammerdam. p. 9.* Nymphæ formicarum formicifor- mes, muscifformes, muscarum dicantur. Ex his itaqve innote- scere potest, qvanta intersit differentia inter Ovum, Nympham, & Vermiculum: Scilicet qvando concluditur velamine lævi, & vix conspicuo, oblongo nihilominus prout Icon. l. II. exhibet, ovum dicitur, qvando succrescit, ut rugosum appareat velamen & annularibus incisuris divisum est, Vermiculus audit, qvando verò rugæ distenduntur, atqve velamen subtile, ejusdemqve ubi- que spissitudinis, & ovi forme est, *Nympham* appellamus. Ex hâc tandem successu temporis perficitur, & prodit Formica, post- qvam membra teneriora magis consolidata, superfluumqve hu- midum absumptum est. Differunt itaqve inter se Ovum, Ver- miculus, Nympha & ipsa Formica, non nisi perfectionis gradu, & accidentaliter tantùm, pro ratione superficiei, suntqve unum insectum, qvod per crebras mutationes in perfectam abit For- micam. *Plura qvi desiderat adeat Swammerdamium l. c. p. 176.*

S. 2.

Rejicimus itaqve Opinionem Epicureorum, qvi terram ge- nerandorum animalculorum, muscarum scilicet, Vesparum. Ci- cadarum, aranearum, formicarum, scorpionum, omniumqve ter-

restrium & aëreorum vermiculorum, quæ Insecta vocantur, facultatem habere, sine seminis concursu, docent. Videtur in nostras quoque partes abire inter recentiores *accuratissimus Rhedi in Experimentis circa Generationem Insectorum p. 16 & 17.* qui testatur, se sæpius repetitis observationibus, eo deductum esse, ut credat, terram post primas illas plantas, & prima illa animalia, quæ sub ipsa mundi primordia supremi Creatoris jussu produxit, per se nec herbas, nec arbores, nec animalia quælibet producere, omniaque illa, quæ vel præteritis seculis nata sunt, vel hoc tempore in vel ex terrâ nasci videntur, ex semine produci, & animalia mediante semine proprio species suas conservare. Quamquam enim singulis fere diebus ex cadaveribus animalium omniq; herbarum genere vermes nascentur, etiam ibi, ubi nulla animalium horum apparent vestigia, probabile tamen videtur corpora ista, in quibus producuntur animalia hæc, saltem commodum nidum præbuisse semini jam dum ibi hærenti, sensusq; nostros eludenti.

§. 3.

Contrariari quidem huic formicarum generationi ex ovo videtur artificialis earundem productio, ubi ex melle & pane, *quod notat. Helmontius Tr. de Potest. Medicam. p. 456. §. 38.* sine ullo alio additamento citò capiosissimæ formicæ producuntur, quas agricolæ *Hontig Ameissen* appellant. Enim verò qui noverunt Insectorum semina adeò corruptibilia non esse, ut aliorum animalium & per multos subinde annos in lignis cariosis, & aliis impuris locis in corrupta latere, illi facile sibi per suadebunt semina formicarum in melle jamdum latuisse, & accedente fotu, & pane, tanquam fermento, calorem excitante, in actum deduci, non secus ac pulli in Ægypto à furnis calentibus excluduntur. Credibile verò est communicare formicas semina sua non tantum herbis istis, quibus apes vescuntur, sed & ipsi melli, quippe quo maxime delectantur, adeò, ut apum custodes opus habeant, ut easdem arceant. Hinc etiam non semper, neque ex quovis melle producuntur formicæ, quod ipsimet plus vice simplici notavimus, sed saltem cum semina formicarum in eodem hærent. Quod verò semina ista vires suas tractu temporis non amittant in melle, facile concedent illi, quos non præterit, semina Insectorum in herbis

C

bis

bis hærentia ab hominibus & animalibus adsumpta sæpè calorem
stomachi, omnesqve digestiones eludere, & incorrupta ad mas-
sam sanguineam deferri. Idem sentit *curiosissimus Swammer-*
damius in adhortat. ad Philosoph. experimental. p. 154. ovaqve in-
sectorum diutissimè illæsa per durare posse statuit, notatqve in-
super nonnullos vermiculos subinde post annos demum aliquot
suas subire mutationes. Experienciâ enim edoctus testatur o-
vum Insecti cujusdam summis salicibus expositum mex excitasse
protuberantiam minimi Scolymi, & tamen ex illa demum sex,
septemqve mensium intervallo evolâsse parvam muscam. *Hinc*
Gædardus de transm. Ins. notat, Cervos certe tempore laborare
vermibus pellem eorundem erodentibus, quia delectantur herbis
in quas ejusmodi Insecta semina sua deposuere. Similiter jux-
ta *Monconisum in Itinerario suo volumine secundo* semen *musca-*
rum non corrumpitur in muscis etiam pulverisatis cum pulvis
aqvâ pluviali humectatus & soli expositus intra horæ spatium
iterum in muscas abeat. Sic teste *Borello Cent. IV. p. 302.* è cine-
ribus Cancrorum cum aqua stagnante, ac sanguine bovino in lo-
co humido iterum producantur *cancræ* & ex pelliculis lumbrici-
corum terrestrium in terram defosis *lumbrici*, ex anate mortuo
sub limo putrefacto, coturnicibusqve putrefactis *Bufones*, quod
refert *Paulini in Tr. de Bufone p. 42. §. 19.* Ex anate cocto & assa-
to, & duabus patinis incluso, *Ranæ*, quodquidem negat *Helmont.*
de Humorist. schol. decept. cap. 1. §. 66. p. m. 166. sed juxta *Paulinum*
sine fundamento *l. c. p. 43*, Ex melle etiam & rore, *angvilla*, ex
vitulo strangulato & rore, *apes*, juxta *Helmont. in Potest. Medicam.*
§. 38. p. 156. ex cadaveribus hominum locustis vefcentium *locustæ*,
juxta *Ephem. Germ. Dec. II. ann. 2. p. 92.* Ex ardeâ luciis nutritâ &
putrefactâ *lucii*, carpionibus, *carpiones*, ex basilico *Scorpiones* teste
Hæfero in Hercule Medico, ex anatibus *piscæ*, ex ciconia *rana* &
Serpentes produci posse dicuntur. Quin imò tantæ quidam au-
daciæ fuere, ut ex cineribus hominum demortuorum, *si non ho-*
mines, eorum tamen imagines producere fuerint ausi. Hinc *Mon-*
conisus in part. II. Itinerarii sui ab Equite Burro se didicisse me-
morat, lagenam recentem cum longo collo, terrâ ex Coemeterio
repletam, operationibus certis peractis, calori balnei expositam,
mil-

mille spectra, milleqve phantasmata exhibere, & *Borellus* statuit, quemlibet per licitam necromantiam posse avum, atavum, Patrem, Matremve & amicos suos demortuos producere, vel eorum imagines referre, modò earum habeat cineres, vel Ossa, quæ tamen nos rejicimus, tanquam experimenta homini Christiano indigna.

§. 4.

Quod verò olim formicæ in homines, & homines in formicas à Poëtis mutati fingantur, eò ipsò mores hominum exprimere ipsis animus fuit. Referunt enim fuisse aliquando homines admodum avaros, qui agriculturam exercentes propriis non contenti, vicinorum quoque fructus corraferint. Quâ avaritiâ Jupiter commotus, in formicas eosdem mutavit. Cum verò vicini eandem rapacitatem in his animalculis animadverterent, *formam, effectum non mutasse Jovem*, exclamasse dicuntur. Hinc etiam *Ov. Lib. VI. Metam:*

Myrmidonasque voco, nec origine nomina fraudo,
Corpora vidistis, mores, quos antè gerebant
nunc quoque habent: parvum genus est, patiensque laborum
Quæsitique tenax, & quod quæsitâ reservet.

Contra Comes Nat. L. III. cap. IX. de Æaco p. 215. incolas Æginæ morbo aliquando periisse, refert, exceptò solò Æaco, qui utpote Jovis filius, patrem rogavit, ut aut suos sibi redderet, aut se ipsum quoque sepulchro adderet; ut itaque Jupiter aliquo modo damnum repararet, grandes formicarum cohortes in quercu proximâ hærentes in homines convertit, filioque in his imperium fecit, teste *Hesiodo in Theogoniâ*.

§. 5. Tandem & nobis temperare vix possumus, quò minus id quoque quod de exclusionē pul-
lorum admodum sint sollicitæ, commemoremus; abscondunt enim pullos suos, sive ova improprie dicta, quomodocunque possunt frigidiorē spirante aurâ, vel pluyente cœlò, æstate verò matutinis horis portant ea versus cacumen collis, sic, ut semper à matutinâ decimâ, ad sextam usque horam pomeridianam reperiantur in cacumine, imprimis in parte collis australi, si tempestas fuerit calida; horis autem vespertinis, frigido imprimis Jove, ad pedis longitudinem, & altiùs etiam ea abscondunt. Hinc veteres exinde signa tempestatum colligere voluerunt.

THE SIS IV.

De Formicarum Principiis Internis.

§. 1.

DE cortice hactenus solliciti, ad nucleum, ipsaque formicarum viscera & partes eas constituentes properamus. Hic verò si Aristotelicorum principiis inhærere animus esset, in misturâ quatuor Elementorum, & exinde oriundis qualitatibus ac temperamento acquiescere possemus. Quoniam verò manus nostræ oculatæ sunt & nos vix ea, quæ demonstrare possumus, asserere audemus, ideò statuimus, constare formicas I) ex partibus sulphureis pingvibus, sive oleosis copiosis, II) salinis Alcalicis volatilibus & fixis III) salinis Acidis volatilibus & fixis, IV) aqueis phlegmaticis inutilibus & V) terreis seu capite mortuo. In hæc enim principia in operationibus Chymicis resolvi possunt formicæ. In quæcunque verò resolvuntur corpora, ex iis etiam ex communi philosophorum per ignem sententia, composita esse creduntur.

§. 2.

(I) *Partibus sulphureis, pingvibus, Oleosis* gaudere formicas, non tam exinde patet, quia corpora ipsarum roscida & unctiosa sunt, qualia communiter copiosum spondent oleum; quam potius, quia formicæ & sibi relictæ sine ullo additamento, & ova in forma sicca destilata, copiosum fundunt oleum, quod ingrato sapore gaudet atque odore. Oleum hoc ut olea in genere, sulphur liquatum est, quod cum particulis salinis coit, & in fluorem cogitur, estque novum ignis productum, non quoad materiam, sed quoad figuram exteriorem. Quale verò sit sal, quod unctuosas sulphureas formicarum partes, in fluidam olei cogit substantiam, acidumne, an alcali, non omninò liquet. Multi hic merum sal acidum crepant, quod etiam facit *Barnerus in Chymia philosophica p. 37.* qui sulphur, ex & in acido, constare dicit. & *Kunkelius in observationibus chymicis pag. 4.* ubi sulphur, ibi & acidum esse, & *pag. 3. 1.* sulphurâ in genere, oleaque, & omne quod urit, ex sale acido volatili & terra pingvi constare asserit. Ipse etiam

Et.

Ettmüllerus in Chymia p. 150. in regno animali olea oriri exinde putat, quòd sub ignis examine acidum quoddam sal in partibus animalium hærens, arripiat sal volatile urinosum animalium, & cum eo coagulatum constituat oleum. Hinc olea nihil sunt aliud, ex ipsius sententia, quam sal volatile ab acido pingvi concentratum. Tractu etiam temporis olea destillata animalium cum sale volatili proprio conjuncta abeunt in corpus saponiforme, quod conjunctionem mutuam acidi & alcali quibusdam indicat, quia ex horum combinatione oritur sapo. Posset etiam pro acidi præsentia in oleo formicarum militare, quod reliqua olea, imprimis expressa acidum secum gerant, propter quod ulceribus & ossibus læsis cum damno applicantur, cum alcalibus & urinosi aliqualiter coagulantur, teste *Barnero in Chymia pag. 37.* & vasis cupreis seu orichalceis illita, vel in iis accensa inter deflagrandum viriditatem, ac cæruleum colorem inducunt, & quæ sunt alia.

Verum enim verò nos statuimus oleum formicarum esse partes earundem pingues, ac sulphureas, à sale volatili concentrato in fluorem actas; Vel esse sal volatile formicarum partibus earum sulphureis seu unctuosius implicatum; Salia enim alcalia in solutione corporum sulphureorum magnum sibi jus vendicant, eaque penitus solvunt, quod in præparatione Tincturarum & Lactis sulphuris innotescit, de quibus videatur *Beguinus in Tyrocinio chymico p. 249. & 417.* Acida contra eadem non aggrediuntur, sed potius soluta ad stasim disponunt, non secus, ac oleum vitrioli oleo anisi guttatim instillatum, & exactè mistum, resinam producit, & sicut spiritus salis oleo olivarum digestus, butyri dat consistentiam, oleumque terebinthinæ cum dimidiâ parte spiritus vitrioli destillatum per retortam sulphur dat inflammabile. Testatur etiam odor penetrantissimus olei formicarum de salis volatilis præsentia & prædominio, cum hoc partibus sulphureis quasi alas addat, ut promptè in auras elevari, & ad organum odoratus deferri possint, quod non posset fieri, si sal volatile in eo hærens ab acido esset coagulatum, sicut sal Ammoniacum sibi relictum nullum spargit odorem. Quando verò *Kunkelius in observat. Chymic. p. 59.* olfactum etiam in acido consistere statuit, tunc nos nullo modo cum eodem facimus. Licet enim sal volatile l. spiri-

tus cornu cervi, urinæ aut salis ammoniaci odore aromatum inebriata, in vase amplo, juxta recens oleum vitrioli, in justâ distantia ita posita, ut aër ab uno ad alterum liberè commeari queat, magnum atque insignem excitent vaporem, & forsan etiam partes aromaticas magis odorabiles reddant; illud tamen non nisi per accidens ab acido olei vitrioli oritur, quatenus hoc cum particulis alcalinis aromatibus saturatis in aëre non amicè coit, turbas & fortiolem motum excitat. Testatur etiam de salium volatilium prædominio in oleis destillatis illud, quod spiritus multi, qui copioso gaudent sale volatili, in olea, & etiam in salia volatilia, ut & olea iterum v. g. cinamomi in salia volatilia abeant, si cum sale suo alcalino misceantur ac per tres menses digerantur. De quo videatur *Helmontius de morbis ex principiis Chymicis p. 397. § 84.* & *Celeberrimus Wedelius de sale volatili plantarum pag. 17.* qui ex salis Tartari partibus tribus cum spiritus Terebinthinæ ætherei parte unâ destillat per retortam sal volatile præcedente digestionem usque ad coagulum. Non etiam plane infallibiles rationes istæ sunt, quæ pro acidi præsentia in oleis reliquis militant. Quod enim olea ulcera reddant fordida, magis ratione partium oleosarum, quam acidarum præstant, & ossa æque arrodunt lixivis fortiora, & cariosos similia reddunt in præparatione Sceletorum, ac acida facere creduntur. Neque coagulatio oleorum cum alcalibus & urinosis ad acidi præsentiam probandam sufficit, cum spiritus salis ammoniaci æque cum spiritu vini sexies semper à novo sale Tartari cohobato (qui tamen omne acidum deposuisse creditur) coagulatur, ac cum spiritu vini non Tartarifato, imò cum oleo Tartari per deliquium in offam abit, modo cum cineribus clavellatis, vel sale Tartari, & non cum calce vivâ paratus sit. *Vid. Epist. Bobnii ad Langelottum p. 26. & 27.* Vis etiam dissolvendi venerem non solis competit acidis, aut de eorum præsentia testatur, sed potius alcalia cum acidis hoc imperium in cuprum tenent divisum. Arrodit enim sal Tartari vasa ænea æque ac acetum, citoque viride æris ex iis extrahit. Concedimus nihilominus ultrò, posse vel sal volatile in oleo formicarum, vel partes ejusdem pingves, acidum etiam sal in exiguâ quantitate secum abripere & abscondere, sicut aliis oleis acidum non in totum denegamus, sed potius illud ipsum

ipsum oleorum ferè quorumvis, omniumque corporum sulphureorum comitem individuum notamus, quod vel solus spiritus sulphuris per campanam, & corrosio Martis in crocum per sulphur commune testantur. Illud tamen in oleo formicarum est sub dominio, nulloque modo ligat sal volatile, quod maximè liberum ibidem est. Ab hoc etiam acido dependere judicamus, quod olea destillata animalium successu temporis in corpus saponiforme abeant. Quando enim partes volatiles salium Urinosorum sensim exhalant, tunc acidæ ad exhalationem minus dispositæ, cum unctuosius sulphureis remanentes in corpus minus fluidum abeunt, sicut sulphur solidum, ex oleo Terebinthinæ cum spiritu vitrioli parari diximus. Non denegamus etiam oleo formicarum omnes partes aquosas, quia salia volatilia ob pororum laxitatem æque admittunt aquosas, ac Sulphureas pingves particulas. Hinc teste *Excellentiss. Wedelio in Pharmacia Aëroamatica p. 357.* oleum caryophyllorum non adulteratum subinde aliquod guttulas aquæ absorbet, & oleum hyoscyami per expressionem paratum copiosius acquirimus, si aquam vel Vinum hyoscyamo contuso affundimus, quàm si per se contusa herba exprimatur.

§. 3.

Quod (II) *partibus salinis urinosis* abundant formicæ, exinde probamus, quia non tantum ova formicarum per se, per retortam destillata, sed & formicæ ipsæ sibi relictæ, & cum cineribus clavelatis, & calce viva per retortam destillatæ, fundunt spiritum urinosum, qui odore, colore & sapore ad spiritum lumbricorum terrestrium accedit, & cum sale Tartari ac spiritu salis ammoniaci ac spiritu lumbricorum terrestrium amicè coit, cum acidis verò quandoque effervescent, quandoque leniter saltim ebullit & semper fumum excitat. Imò paratur etiam spiritus urinosus ex formicis sibi relictis ad putrilaginem redactis, qui cum spiritu salis & Nitri fortiter & cum fumo effervescent. Ulteriori demonstratione huius principii existentia non indigere videtur, cum sal volatile urinosum in regno animali generale sit principium quod non tantum in animalibus, quæ communiter perfecta audiunt, ex solâ urina est quàm notissimum; sed & in secta teste *Ettmüllero in Chymia*
pag.

pag. 150. sale multò volatiliori & penetrantiori gaudeant, quàm animalia reliqua.

§. 4.

(III) *Salis alcalici fixi* præsentiam in formicis denotat caput mortuum, quod si elixiviatur, lixiviumque evaporatur, concrescit sal lixiviosum fixum perpaucum, ut in omnibus animalibus. Quia enim omnes animalium partes etiam abjectissimæ, copioso sale volatili pollent, ideò in capite mortuo parum l. nihil salis fixi remanet, adeò ut dubitent Autores, an ex integro homine 3j salis fixi elici possit, quancquam *Borrichius in Hermet. Egypt. p. m. 413.* ex duobus tibiæ osibus per 12. horas calcinatis 3j cum semisse salis lixivi elicuerit.

§. 5.

Rarum porrò IV) & in animali regno res ferè sine exemplo est, quod formicæ copioso gaudeant acido sale, sic, ut præ urinoso prædominetur, cum aliàs saltem in regno animali acidum quoddam paucum reliquis principiis sit inspersum, nisi quod in insectis quibusdam *Listerus in transactionibus Anglicanis*, imprimis in his, quæ aculeis sunt munita acidum notet liqvorem, & *Hokius in Micrographia observatione 34.* apum & vesparum liqvorem corrosivum acidum esse doceat. Sunt quidem qui saltem majoribus formicis acidum tribuunt, & eas spiritum fundere asserunt, qui Martem erodat. Enimvero sal acidum in omnibus formicis non tantum odore percipitur, quem colles spirant, sed exinde etiam patet, quia color cœruleus florum Cichorii, Borraginis, Cyani &c. cumulis formicarum immerforum, ab exhalationibus earum, non secus ac à fumo sulphuris, vel vitrioli in rubrum mutatur. Notavimus etiam ipsi spiritum formicarum cum spiritu vini per alembicum ex formicis copiosis & paucò spiritu vini paratū sapore gaudere acidissimo, & recentē cum spiritu salis ammoniaci mistū, lenem ebullitionem & fumū excitasse. Esse verò aliàs partes acidas volatiles, alias fixas in formicis, exinde concludimus, quia multæ promptè super alembicum cum spiritu vini elevantur in destillatione spiritus, aliæ verò & ferè plures in capite mortuo remanent, cum illud in acore sæpè spiritui exinde destillato palmam præripiat, quod plò vice simplici

plici notavimus. Hinc etiam cum *Barnero* non facimus, qui in *chymia philosoph.* p. 363. in animalibus acidum nullum esse fixum, statuit.

§. 6.

Partes deniq; (5) *pblegmaticas* in spirituum rectificatione remanentes, & *terreas* in capite mortuo per se destillatarum formicarum ultro se offerentes, ulteriori examini indignas judicamus.

§. 7.

In his itaq; principiis, quæ per operationes chymicas demonstrari possunt, acquiescere possemus, cum alias manus oculatæ, quod vident, credant, nisi operæ pretium esset, ut ulterius in originem salium tam diversorum informicis, & imprimis urinosorum volatiliū & alcalium fixorum inquiramus. Certant enim inter se Medicorum principes, & adhuc sub iudice lis est, an illa aliis animalibus prius in extiterint, quàm ignis examini fuerint submissa; an verò artis & ignis sint producta, sic, ut in operationibus chymicis demum oriantur. In specie salia urinosa in animalibus multi à fermentatione & continua aeris inspiratione deducunt, mediamentibus quibus salia fixa animalium volatilifari ipsis creduntur, quæ etiam *Etmülleri in Chymia* p. 150. est sententia. *Dn. Kunkelius* verò in *observationibus chymicis* p. 113. & 122. per experimenta probare conatur, salia alcalia per artem producta, esse sal acidum immutatum, omniaque salia alcalia ope acidorum in acida, aut spiritus acidos iterum posse transmutari, non secus ac acida & ipsorum spiritus in alcalia convertantur; Et in *Epist. ad Societ. Anglican.* omnia alcalia acida esse statuit, quæ in hoc ipsi saltem differunt, quod alcalia plus terræ secum gerant; unde acida omnia in alcalia abire affirmat, si cum terra combinentur & pag. 118. 119. in *observationibus chymicis*, cineres clavellatos, vel sal Tartari crebrius calcinata, filtrata, & evaporata, in sal quoddam culinari simile mutat, quod in aere non liqvatur, ac spiritum fundit spiritui salis similem. Ex hujus itaque sententiâ sal formicarum urinosum esset sal earundem acidum immutatum. *Swalwe etiam de acido & alcali* pag. 37. non extitisse in composito, quæ igne separentur asserit, & pag. 76. acidum quibusdam rebus naturale esse concedit, sed alcali non nisi ignis esse productum. Ambigit etiam *Celeberrimus Bohnius in*

dissertat. physico Chymicarum primâ §. 16. quæ viri est modestia, & per putrefactionem ac destillationem ex animalibus salia volatilia seu urinosa quidem elici concedit, sed horum inexistentialiam, nec in sanguine eorum recenti & adhuc calido, nec in vivorum dissectorum partibus ullis, nec gustu, nec olfactu deprehendi observat, incertumq; ideo adhuc esse statuit, annon salia hæc tam de novo per chymiam formentur, quam educantur & separentur. Prius probabile ipsi videtur, quia formicæ sale acido abundantes illud simplici destillatione, ex ipsius sententiâ, fundentes putrefactioni commissæ urinosum spiritum exhibent.

§. 8.

Non minus disfidium est inter Auctores de origine salium alcalium, aliis eadem ab oleis per incinerationem immutatis ac combustis deducuntibus, quæ *Polemanni* est opinio; cum contra *Takenius* eadem ab accidi & alcali volatilis concursu & coagulo exsurgere putet. *Hunc sequitur Baræus pag. 370. in Chymia philosoph.* qui alcalia ex colliqvatione oleosæ seu acidæ partis cum sale volatili fieri asserit & *pag. 525.* fixum in plantis non præexistere, sed ex sale volatili & sulphure in combustionem resultare putat. *Helmontius etiam in Blas human. §. 38. pag. 179.* ex connubio sulphuris & salis volatilis deducit alcali fixum. Et illustris *Borrichius in actis Hassniens. Barbolini p. 184. anno 73.* sal volatile à sulphure inter cremandum figi asserit, *pag. tamen sequenti* in medio relinquit, an omnia salia plantarum ante ustionem sint volatilia, uti *Helmontius & Takenius putant.* Peculiarem etiam de salibus animalium fixis profert opinionem *Etmüllerus in Chymia p. 150.* quando putat sal fixum, quod ex animalibus obtinetur, non esse sal nativum, sed esse sal esculentum, quod non potuit superari à fermento ventriculi. Destillatum enim hoc sal spiritum frondere acidum spiritui salis similem. Haussisse tamen hæc videtur *Etmüllerus* ex *Borrichio, qui in Actis Hassniens. Barbol. anno 73. p. 184.* notat, salia animalium fixa non esse ejusdem naturæ, nec per omnia cum sale communi, nec cum salibus plantarum lixiviosis convenire. Multa tamen eorum cum sale communi sapore, figuris, & præcipitandi potestate aliquid habere commune, & contra pleraque à plantarum lixivis salibus sapore, odore, & figura differre: Solvere etiam hæc salia ani-

animalium fixa quidem sulphura, ut alia alcalia, sed eadem non diu apud se retinere, cum salia alcalia plantarum eadem diu retineant.

§. 9.

Nos de salium in formicis origine, juxta Celeberrimorum Medicorum exempla meritò ambigimus; imò magis de re ipsa, quam de modo isto, qui non in sensus incurrit, sumus solliciti. Sufficit enim nobis produci salia jam laudata ex formicis, sive id fiat per modum separationis, sive per pororum immutationem, sive alio quocunque modo. Ludunt enim certè salia etiam oculatas curiosorum manus & Protheo mutabiliora sunt, ut quo te veritas sæpè nescias, & ipsum Hippocratem in his errare posse credas. Ne tamen nobis quis vitio vertat, quod in re curiosa nostram suspendamus mentem, quid vero simile videtur breviter exponemus. *Videntur itaque formice, si suspicioni locus est, gaudere sale nitroso, ex acido & alcalino composito, quod pro ratione additamentorum, & operationum, in destillatione formicarum modo urinosum, modo acidum fundit spiritum, non secus ac ex sale ammoniaco, modo urinosus, modo acidus propellitur.* Tribuunt enim alii insectis in genere sal nitrosum, eaque singulare quid in hoc præ animalibus perfectioribus habere autumant, unde *Becherus* ex lumbricis putrefactis nitrum perfectum elicere conatur. Quamquam *Kunkelius in observationib. chymic. p. 67.* ex animalibus quoque aliis proliciat nitrum, cujus spiritus non minus mētalla solvat, quam spiritus & oleum vitrioli, *pag. verò 134. dicit*, illud, quod præter sal volatile ex animalibus elicitur, sali communi per omnia esse simile. Credibile verò est, salibus his diversis una cum reliquis principiis in prima creatione donatas esse formicas, quia eadem solius artis productum esse, & vel per ignem, vel per putrefactionem, ex iisdem saltem parari, ob rationes plurimas nobis persuadere non possumus. Ignis enim, teste *Boyleo in Chymista Sceptic. p. m. 36. & 56. & Helmontio in Blas human. §. 38. p. 179.* non agit seminalium principiorum in morem, sed semina omnia destruit; imò de novo ne unicam materiæ atomū producit, sed materiam saltem alterat & modificat, & *Excellentissimus Dr. Wedelius in Pharmacia Acrematica. p. 416.* ignis actualis vim esse dicit, ut destruat ac dissipet & propellat. De-

fruit enim partes inflammabiles sulphureas, easque dissipat magnam partem, quatenus in ejus pabulum cedunt; Propellit verò evaporabiles, salinas volatiles & aqvofas, salinasque fixas alcalicas intactas relinquit, sed immutatas. In putrefactione etiam non nova producuntur corpora, sed ea, quæ compositum constituunt, à sulphure & aliis ligantibus partibus vinculi vice fungentibus liberata, sui fiunt juris, non secus ac addita v. g. calx viva, cineres clavellati &c. quatenus saltem clavis vice funguntur, non nova producunt corpora. Testantur etiam de salium in mixtis existentia ante combustionem multæ operationes chymicæ, quarum vim artis hujus periti norunt. Si enim humori oculorum vitreo vel aqveo leniter ad solem desiccato affundimus spiritum nitri optimum, à sale lixivioso ibidem præsentem notabimus pugnam aliqualem, leniorem tamen, propter particulas glutinosas admixtas utriusque hostis concursum nonnihil sufflamantes. Idem in catarrhis violentioribus per nares descendentibus notarunt alii. Similiter ligna in aqua dulci diu natantia vel decocta, vix tertiam partem post combustionem salis ejus fundunt, quod non macerata fundunt, quia aqua principium salinum jam antea absorpsit. Hinc Parisiis ligna natantia, secundo flumine illata, alimento ignium deservitura, minoris æstimantur, propter ablatum sulphuris frænum, quam alia curribus & navigiis advecta. Libra quoque una civilis ligni fagini, in cineres igne aperto redacta, cinerum dat grana 50. ex quibus grana decem salis proliciuntur: Contra libra una ejusdem ligni horis 48. in libris 4. aquæ leniter decocti, & exsiccati, ac in cineres redacti, dat cineris grana 37, ex quibus sal extractum grana tria pendet, aqua verò in qua lignum fuit coctum evaporata ad spissitudinem, & cum aqua forti mixta, bullas excitat, quæ de salis lixiviosi è ligno extracti præsentia testantur. De his & similibus vid. *Hermetem Ægyptiorum Borrichii cap. 7. p. 406.*

§. 10.

In specie salia volatilia separantur & producuntur ex multis corporibus simplici & moderato calore, sine combustionem, imò sine flamma, ut vel ideò salia volatilia mixtis inesse probabile videatur. Imprimis ex urina levi evaporatione emergunt, cum contra alia corpora sale volatili non pollentia per annum calcinata nihil fun-

fundant ejusdem, sicut cineres semel elixiviati, inhabiles sunt, ut in
salem convertantur, etiam si centies eos uras, quod etiam agnoscit
Swalwe de acido & alcali p. 77. Non etiam omnino certum est,
an oriatur sal volatile formicarum à volatilisatione salium fixorū,
mediante fermentatione, & continua aëris inspiratione. Sunt
enim qui fermentationem in animalibus, & eorum sanguine, vel
humoribus, in totum negant, quod etiam facit *Charleton de*
catamen: & uter. Rheumat. Dantur etiam res inanimatae
v. g. in regno minerali & vegetabili, quæ nulla gaudent re-
spiratione, & tamen sale volatili abundant. Ut enim de Nitro
nihil dicam, quippe cujus partes alcalinae omnino sæpè, si non sem-
per, regno animali originem debere videntur, saltem succinum
notissimum, vel sal ammoniacum sistimus nativum, quod prope Pu-
teolos cum ebullitione & strepitu notabili in terræ cavernis su-
blimatur. *Teste Bobnio in dissertat. Physico-chimic. III.* qui etiam ter-
ras quasdam argillaceas sal volatile urinosum, & spiritum fundere
asserit. In regno verò vegetabili cæparum genera & antiscor-
butica, ac aromata plurima copioso gaudent sale volatili, imò o-
mnes fere herbæ eodem abundant. Hinc non per omnia pro-
cedit, quando *Borrichius in Actis Hassniens. Bartholini auno 73. p.*
182. exinde probare conatur, salia animalium volatilia oriri à blan-
do & continuo animalium motu & calore, fixa fermentante in
volatiles substantias, quia boves & equi quotidie urinam multo sa-
le volatili prægnantem reddant, licet solis herbis pascantur. Do-
cet enim *Celeberrimus Wedelius de sale volatili plantarum pag. 10.*
quomodo non tantum per fermentationem, sed etiam cum, &
sine additamento, ex plantis omnibus, seminibus, extractis, frumen-
to, ut & ex glasto, cum vel sine igne copiosum sal volatile pro-
ducatur, quod omnes salis urinosi qualitates habeat, ut inter hoc
& sal volatile urinæ, Cornu cervi, & sanguinis humani, nulla sit
differentia. Simili modo formicarum pabulum ad earum par-
tes salinas sulphureasque multum conferre, est credibile. Gau-
dent enim cymis & turionibus arborum resinifarum, earumque
efflorescentiis resinosis, germinibusque seminum tenerioribus,
maximeque omnium papavere, quod quasi Helena formicarum
gulæ est, *teste Plauto in Trinumo pag. m. 719.* Quam copioso verò

sale volatili succus papaveris gaudeat, de eo videatur *Wedelius in Opiologia*, *Ettmüllerus de virtute opii sudorifera* & *Borrichius de somno & somniferis*. Minus etiam probabile nobis videtur illud, quod sal urinosum formicarum sit earundem sal acidum per artem volatilifatum. Præsupponimus enim, quando ex spiritu formicarum per se destillatarum *Ettmüllerus in chymia pag. 149.* spiritum urinosum parat per additionem calcis vivæ, spiritum istum ex formicis per se destillatum, non esse acidum, ut quidem putat *Ettmüllerus*, sed jam dum urinosum ante calcis admistionem, quod in sequentibus monstrabimus, cum etiā non oboriatur effervescentia, ab admistione calcis vivæ, quam *Ettmüllerus* se notasse dicit. Posito verò, acidum formicarum spiritum quendam per additionem calcis vivæ in urinosum mutari posse, exinde tamen non elucescit, sal earum acidum in urinosum abire posse, quia forsan partes formicarum urinosæ, quæ in spiritu acido latitare possent, suppressæ, saltem dominium acquirerent per additionem calcis vivæ, subjugatis acidis. Ultrumque enim sal & acidum & urinosum, in formicis latere monstravimus in antecedentibus & *Ettmüllerus in chymia pag. 149.* testatur aciditatem formicarum ab alcali quodam sibi debito temperatam esse & pag. ead. animalia in genere sale acido & alcalico gaudere statuit. Hinc eodem modo in operatione ista se rem habere dixerimus, ac quando ex aceto elicitur spiritus ardens. de quo vid. *Wedelius in pharmacia acroamatic. L. II. Sect. 1. cap. 2.* ibi enim aceti partes acidæ supprimuntur, & partes volatiles, quæ adhuc sub jugo acidarum latitarunt, dominium acquirunt, non verò acidæ aceti partes in volatiles mutantur. Si tamen pondus spirituum, qui hoc modo parari possent, parum differret, sic, ut ferè tanta spiritus urinosi proliceretur quantitas, quanta fuit acidi, tunc sal acidum sub jugo spiritus istius alcalini latens, magnam spiritus urinosi constituere partem crediderimus, non secus ac sal volatile succini sal acidum secum detinet, & sicut nitrum copiosum fundit spiritum acidum, & tamen etiam calcinatum magnam partem alcalifatur. Negamus itaque sal acidum formicarum posse in alcali mutari, & alcali earum in acidum per ignem posse cogi. Hinc quando *Dn. Kunkelius sal Tartari in sal acidum mutari posse repetitis cal-*

cinationibus putat, non facimus cum eo. Potest enim acidum quod acquisivit, vel esse ab acido ignis, quod se in corpora fortius calcinata insinuat, ut in calcinatione Minii notant Auctores, quod ideo augmentum in pondere capit per calcinationem; vel potest esse sal acidum istud, quod salia volatilia in alcalia fixa mutat, si illa opinio procedit esse alcalia Lixiviosa, salia urinosa ab acido fixata.

§. 9.

Fixum denique formicarum sal alcalinum ex capite mortuo paratum, an earundem sal urinosum ab acido coagulatum, an verò earum oleum per incinerationem immutatum, ac combustum sit, non omnino certum est. Quod non sit urinosum ab acido ligatum, suspicamur ideo, quia non est sal enixum, sed cum acido v. g. spiritus salis, promptè effervesceat, & cum sale ammoniaco mistum, ejus sal volatile ab acido ligante liberat, quod urinosus odor exsurgens testatur, nec probabile videtur hoc ipsum ab oleo formicarum immutato oriri, quia sive paucum, sive copiosum acquiramus oleum in operatione hac l. illâ, tamen exinde nihil variat salis alcalini dosis ex capite mortuo extracti, cum tamen etiam pars aliqua particularum sulphurearum deflagret. Videmus etiam ex aliis corporibus v. g. Tartari destillatione copiosum oleum prolici, & tamen in capite mortuo sal fixum non paucum latere, quod non procedere posset, si sal alcali ab oleo immutato esset.

In medio itaque relinquimus, an formicarum hoc sal fixum saltem accidentaliter à sale earundem volatili differat, quod *Excell. Wedelius in Pharm. Acroam. p. 418.* de aliis alcalibus fixis dicit, & an, quæ *Hellmontii in Blas Human. p. 170. §. 38.* & *Bohnii in Dissert. Chymic. 12. §. 29.* est opinio, ex salium volatilium cum sulphure colliqvatione resultet. Probabile videtur constituere partes urinosas à concursu acidi & partium sulphurearum aliquvaliter fixatas, alcali hoc fixum in formicis, & per artem saltem produci, quia *Barnerus in chymia p. 337.* alcalia sola iterata in aqua solutione, filtratione, & abstractione, in olea convertit, & olea iterum in salia volatilia mutat *p. 344.* & quia *Borrich. in actis Hassniens. Bartholini anno 73. p. 71. p. 183. ex Libr. XX.* Cardui benedicti recentis mox in cineres redacti plus salis fixi parat, quam è toti-

totidem libris herbæ ejusdem in aëre siccata, quia in hoc sulphur promptius exhalans sal volatile minus figere creditur. Mirari tamen subit, cur formicæ tam paucum fundant sal fixum, cum tamen copioso oleo & sale acido gaudeant, quæ plures partes urinosas ligare possent. Qui enim ab acido sal urinosum figente alcali fixum deducunt, communiter statuunt, in cineribus animalium paucum reperiri sal lixiviosum, quia paucio sale acido urinosum ligante gaudent. Posset tamen etiam exinde esse, quod sal urinosum formicarum tanquam magis volatile minus audiat habenas sulphuris & acidi ligantis, quam reliquorum animalium. Quicquid vero horum sit, nos non audemus asserere, omne sal formicarum fixum ante ustionem earum esse sal volatile, non secus ac illud ipsum pro esculento sale non habemus, cum, quæ Ettmüllerus l. c. observavit, forsan de quadam salium lixiviosorum parte, & quidem in animalibus, quæ perfecta vocant, intelligenda sint. Nos enim spiritum ex sale hoc paratum omnium maxime cum spiritu vitrioli, & fortiter etiam cum spiritu salis effervesce & cum spiritu salis ammoniaci amicè coire vidimus.

Hæc quamquam aliquvaliter probare videntur, salia non per artem produci, sed esse naturalia, & insitum corporibus principium, largimur tamen ambabus manibus, ut cunqve eadem insunt mixtis ante concremationem, tamen inter tormenta ignis variè pati, alias atqve alias vires mutuari. *Verbo; producuntur salia, imprimis alcalia, tam in genere, quam formicarum, per artem accidentaliter, non essentialiter; materialiter & quoad substantiam latitant in toto, figuram verò externam magnam partem post separationem sortiuntur.* In opere secretionis enim ignis dum partes concretorum exagitat, easqve in minima discerpit corpora, sine dubio earum figuram & situm non parum immutat. Sicuti enim alcalium pori ab igne eatenus laxantur, quatenus partes oleosæ & aliæ, quæ antea easdem replebant, abiguntur; ita ante combustionem, quia saltim dispersa sunt & aliis inviscata corporibus sulphureis, terreisque quasi sopita jacent, & intra proprios lares ac pororum laxitates alia corpora recipiunt, nec odore, nec gustu, nec olfactu sæpè percipiuntur, secus ac *Θculinare,*
quod

quod sui juris, & à nullo principio intrinseco ligatum, in pau-
câ quantitate, cibo, vel juscule additum, saporem suum exerit.
Hinc qui eo modo salia concreto integro actualiter non inexistere,
& non separari per Ignem, sed simul velut commutari, &
per colliqvationis modum quasi nova parari statuunt, illi nobis
non contrariantur. Hoc etiam sensu *Excellentissimus Bobnius*
in Diff. Chym. I. §. 20. nobiscum facere videtur, etiamsi statuatur
Oia Urinosa ac fixa, sub formâ propria & proprietatibus suis
nullo modo in concretis deprehendi. Explicat enim mentem
suam in sequentibus, & concedit, salia his & illis concretis inesse,
sed aliter eadem modificari, aliisque substantiis diversimodè
combinari, per diversas, quibus eliciuntur encheirises, ex quo patet
Celeberrimum Virum non de materiâ, sed de figurâ externâ
esse sollicitum, quo modo etiam illud explicandum esse suspicamur,
quando spiritum acidum, oleum, & sal alcali, in Tartaro ante
destillationem actu inexistere negat. Quod vero formicarum
salia non uno igne propellantur omnia, sed etiam clave indigeant,
potissimum urinosa, exinde pendere videtur, quia non tantum
in formicis sulphureo ligata sunt vinculo, sed & salino acido
prædominio gaudente. Hoc verò acidum vinculum non tam
promptè igne, ut sulphureum, solvitur, quam sale alcalino; non
secus ac sal ammoniacum tam igne, quam alcalino sale indiget,
si salis ejusdem acidi jugum excutere & sal volatile propellere quis
intendit. Ex ovis nihilominus præ reliquis sine clave propellitur
spiritus urinosus, unde ibi sal volatile magis, quam in ipsis
formicis expansum esse, & prædominio gaudere est credibile, imprimis,
quia hæc cum spiritu vini destillata, non ut formicæ dant
spiritum acidum, sed potius ad alcalium naturam accedentem,
quatenus illæ nec cum spiritu salis ammoniaci, nec cum oleo Tartari
per deliquium effervescent, sed tantum cum spiritu salis & nitrifumum
excitant. Si verò in putrilaginem redigantur formicæ sibi relictæ,
dant spiritum urinosum, quia urinosæ partes magis mobiles cum se à
vinculis, ligantibus liberarunt, citius meditantur abitu.

De Usu formicarum generali.

§. 1.

SI juxta morem seculi nil, nisi quod prodest, carum est, mille aliis anteferendam esse formicam, jure meritoque dixerimus. Tot enim ad sanitatem, nobilissimum vitæ humanæ thesaurum, tam conservandam, quam restaurandam suppeditat remedia, ut merito habeat, cur sibi gratuletur, qui earum sibi paravit notitiam. Ades dum igitur mens lucri avida, & collige nobiscum thesauros, quos Summus Rerum Arbiter in tam humili Insecto recondidit, & noli amplius formicas ex quantitate molis, sed potius ex virtutis nobilitate ponderare. Considerabimus verò hic saltem vires formicarum in genere, secundum earundem principia interna, & agendi modum, in sequentibus vero monstrabimus morborum cohortem, & affectus ipsos in specie, in quibus cum fructu adhibentur. In deducendis autem operationibus & effectibus istis, quos à formicis expectamus, non tam ad qualitates primas, quam principia chymica recurrimus, quibus tamen texturam, figuram & motum partium addimus, cum ab his conjunctim sumptis virtus & agendi potentia eorum, quæ ex formicis usu medico gaudent, dependeant.

§. 2.

Inter generales itaque vires 1. laudamus illas, quæ formicis integris competunt, quales sunt Nervinæ atque Cephalicæ, ubi solus formicarum odor, caput & memoriam non nihil roborat, quatenus particulæ acidæ volatiles lympham in capite & naribus stagnantem incidunt, attenuant, spiritibusque liberiores motum conciliant. Hinc cum fructu linteamina aliquandiu sub acervis conduntur, vel iis super imponuntur, & naribus applicantur, ubi acidum penetrans nares ferit, sæpe sternutationes excitans & illacrymationes spontaneas inducens; quatenus blandè ad excretionem humorum acrimiarum stagnantium sollicitat partes nervosas & membranosas, unde odorem acidum formicarum spiritus mire reficere testatur Schröderus in pharm. Med. chym. lib. V. class. 4. p. 71. Porro etiam corpori externè per frictionem applica-

cata imprimis leniter decoctæ in vase clauso v. g. in balneo, *artus, caput, omnesque nervos* roborant, totumque corpus calefaciunt, quatenus serum stagnans, quod spiritus inviscat, & motum eorum cohibet, acido volatili suo exhalante incidunt & attenuant, resolvunt ac dissipant, sicque temperatum totius calorem, qui ab influxu spirituum una descendit, restaurant.

§. 3.

Majorem tamen spondent effectum medicamenta ex iis parata, & quidem non tantum externè applicata, sed & internè propinata. Hæc verò propter particulas suas salinas volatiles ac oleosas egregia pollent virtute *Nervina, Resolvente, Aperiente ac discutiente*, quatenus particulae istæ per se mobiles, assumptæ à calore corporis viventis in majorem concitantur motum, stagnationesque liquorum vitalium corrigunt, & potissimum serum lentum fundunt, obstructions inde ortas aperiunt, massamque sanguinis fluidiorem reddunt.

Porro etiam gaudent medicamenta è formicis parata virtute *Diaphoretica & Diuretica*, quatenus circulatio sanguinis aucta, hæterogeneas particulas promptius propellit, & vel per glandulas subcutaneas, vel renales eliminat. Præstant verò hoc ipsum tam propter particulas salinas volatiles, quam propter sulphureas oleosas; salinae tamen volatiles cum sint nitrosæ magis gaudent vi diuretica, sulphureæ diaphoretica. Hinc *Ettmüllerus in chymia p. 150.* salibus volatilibus insectorum in genere insignem vim diureticam tribuit.

§. 4.

Sal volatile urinosum, & spiritus urinosi, omni acido præternaturali contrariantur, & illud in partibus remotioribus absorbent, unde in omnibus morbis ab acido sale oriundis conveniunt, & vires etiam *Anodynas* possident, quatenus dolorum causam materialem enervant. Partes etiam oleosæ, quatenus salium acidorum spicula obtundunt, & humorum acrimoniam irritantem particulis suis rotundis ac lentis inviscant, aliqua vi dolores sedandi pollent.

Cum verò ex formicis etiam medicamenta merè acida parentur, non immeritò quaeritur, an illa etiam nervina sint? Cum non tantum juxta *Hippocratis* decretum, sed & communem Medi-

eorum sententiam acida nervis sint inimica. Distingvunt hîc quidam inter acidum volatile & fixum, hocqve saltim nervis nocere, illud verò prodesse statuunt. Nos cum *Celeberrimo Wedelio in amicænitat. mater. medic. pag 209.* formicarum acidum particulis sulphureis temperatum, ac mitigatum, & ideo nervis amicum esse statuimus, quatenus vel præternaturalem spirituum motum inhibet, & propter particulas sulphureas inviscat, & acorem eorum absorbet, vel humores stagnantes incidit & attenuat. Hinc cinnabaris antimonii egregium est nervinum, cum tamen ex chymicorum sententia, Mercurius, qui eam magnam partem constituit, copioso sale acido gaudeat & sibi relictus maximè nervis inimicus sit. Non minus vinum, quod copioso gaudet acido internè & externè nervis est amicum, quia acidum ejus sulphureo principio est maritatum. Accedit quòd acidi formicarum spiritus sal urinosum etiam abscondant, quod datâ quavis occasione acidi jugum excutit, & vires suas nervinas exserit.

THESIS VI.

De Medicamentis quæ ex formicis parantur.

§. 1.

Medicamenta ex formicis sicut passim apud Autores plurima prostant; ita unum alterumq; etiam nobis vindicamus. Recensebimus verò potiora, & quæ in istis nobis non sunt ad palatum, salvo aliorum judicio, exponemus. Prodeant itaq;

§. 2.

Spiritus formicarum acido sulphurei

Et quidem primò

Aqua Magnanimitatis simplex vel Herculeæ.

Rx. Formicarum minorum mundatarum, in plenilunio vel luna crescente, imprimis Mense Majo & Junio captarum, Mensuram unam vel duas, affunde spiritum vini rectificatum ad eminentiam duorum vel trium digitorum. & destilla post lenem digestionem per alembicum, usq; dum dispareant striæ. Si major formicarum & spiritus vini minor assumitur quantitas, vel cohobatio su-

super novas formicas instituitur, tunc etiam olei ætherei pulcher-
rimi paucas acquirimus guttas, quod tam internè, quam externè
in omnibus nervorum affectibus in usum vocatum, facit officium.
Spiritus verò hic sapore gaudet acido, & recens cum spiritu salis
ammoniaci effervescebat leniter, ac fumum etiam emittit. E-
levantur enim acidæ formicarum particulae à spiritu vini & super
alembicum evehuntur, non secus ac alii spiritus acidi cum eodem
prompte super alembicum propelluntur. *Rolfincius in Chy-
mia p. 157.* per 14. dies prius digerit materiam in leni calore,
& oleo cinamomi post distillationem aromatizatum spiritum
ad cochlear unum propinat frigidis, Hydropicis, in debili-
tate articulorum, & febribus intermittentibus. *Conradus Rubin-
rath in medulla distillatoria p. 382.* commendat spiritum hunc
militibus in prælium abituris, & iis, quibus verba facienda sunt co-
ram magnatibus. Usus etiam hac aqua est Imperator Maximi-
lianus I. tempore belli, & exinde animosus factus fuisse dicitur,
adeo, ut sæpe primus in acie steterit, & in damarum venatione
sæpe præsentissimum vitæ periculum evitaverit. De quo *vid Historiam
Zbenedankii.* Affirmat idem *Staritius in Heldenschatz pag. m. 85.*
Uterque tamen loco olei cinamomi, cinamomum in substantia
ad 3ß post distillationem spiritui addit, cum tamen rectius oleum
assumatur, si quidem internè propinandus est spiritus. Gurta e-
nim una ejusmodi olei distillati teste *Ettmüllero Dissert. X. 2. 7.*
superat effectu unciam essentiae ejus. Staritius spiritum hunc
vel oleum ejusdem miscet cum oleo carlinæ, eumque qui hac
mixtura internè & externè utitur, adversus decem pugnare pos-
se, omnesque exinde hosti imminui vires in prælio asserit, quod qui-
dem fidem superare videretur, nisi *Ephemerides Germanorum Dec.
II. anno primo p. 401.* hanc carlinæ vim defatigantem affirma-
rent. Nos spiritum hunc simplicem sine cina-
momo vel oleo cinamomi ad linimenta nervina externa ferè sal-
tem recipimus, cum etiam *Ludovici, in Pharmacia Moder-
no seculo applicanda Dissert. 1. p. 585.* internè salia volatilia &
sulphureos liqvores huic spiritui præferat. Internè verò utimur
eodem loco menstrui ad essentias quasdam extrahendas, ex quibus
unam allegasse sufficiat.

Essentia succini composita

℞ Succini gr. m. pulverisati ℥j adde spiritus hujus formicarum octuplam proportionem, & expone digestionem in vase clauso per mensis spatium, ubi acquies tincturam saturatissimam, quæ essentia succini simplici facile palmam præripit. Si placet poteris juxta methodum Ludovici unius diei spatio Essentiam saturatissimam extrahere, de quo vid. Miscell. Natur. Curiosor. Anno IX. obs. 36. Utimur hac essentia in omnibus nervorum affectibus, quibus vitia feri conjunguntur, imprimis in præservatione Apoplexiæ & Arthritide cum aliis nervinis. Videtur verò spiritus hic vel eo nomine menstruum accommodum esse ad essentiam succini parandam, quia acido sulphureus est, & succinum quoque non tantum sale volatili, sed & acido atque sulphureo principio gaudet.

Aqua magnanimitatis composita Schröderi.

Non unus apud Autores has parandi modus prostat, cum solus Schröderus in Pharm. medico chymicâ pag. 45. tres recenseat. Parat enim eas hunc in modum.

(I) ℞ Formicarū majorum manipulos duos, Spiritus vini mensuram unam vel q. s. digere materiam ante distillationem, usque dum putrefactione in liquorem abierint formicæ, hinc per M B. destilla, ac postea tantillum Cinamomi adde, & species Anacardinas infunde. Hanc aquam pro memoria roboranda commendat Autor.

(II) ℞ Aqua magnanimit. Simpl. ℥ij adde Confect. Anacardine ℥ij Castorei recentis ℥i florum Buglossæ, Anthos. ana. Mj. Cinamomi optimi ℥i, stent in digestionem per aliquot dies hinc destillantur.

(III) ℞ Formicarum majorum mense Majo vel Junio collectarum q. pl. spiritus vini rectificati ad eminentiam trium digitorum digestis adde Fl. Anth. Rosar. Rubr. Bugloss. Meliss. Majoran. ana. mj. Castor. elect. ℥ij. Spec. diamosch. dulc. ℥ss Confect. Anacard. ℥j Aqua Bugloss. Beton. Fl. Tiliæ ana. ℥i trita & mista per unum mensem digere & destilla in M B. hinc cum proprio sale rectifica.

Aqua Herculeæ Kubnradi.

Hanc autor in medullâ destillatoria pag. 383. appellat aquam Ducis in Palatinatu Johannis Casimiri, eamque hunc in modum parat:

Rec.

℞ Formicarum quantum vis, vini Malvatici vel Hispanici optimi q. s. destilla per alembicum, post lenem digestionem 15. dierum spiritum hunc bis velter super recentes formicas cohoba, & postea huic spiritui cohobato adde Melisse, Cortic. Citri, Aurant. Caryophyl. Cinam. Cardam. Cubebar. Rad. Zedoar. Mastich. Styrac. Calam. Benzoes. Sem. Paon. Ocymi. ana. ℥i Croci Orient. ℥i iterumque destilla, & postea adde Magist. Perlar. Corallor. Ossis de corde cervi ana ℥i Liquor. solis & Lune ana ℥j Moschi ℥℞. M. Dosis sunt cochlearia tria. Notat quoque idem Autor, non esse necesse, ut spiritus destillatione à speciebus abstrahatur, sed sufficere essentiam saturate tinctam, modo sal ex capite mortuo extrahatur, & cum essentia ista misceatur.

Aqua magnanimitatis Junkenii

Modus Autoris in Chymia Eperimentali pag. 488. hic est:

℞ Formicarum acidum redolentium m. vi. Spiritus vini antihosati ℥iv spir. Lil. convul. ℥j Mist a stent per dies 8. in acervo formicarum in digestionem, & postea per B. M. destillantur. Postea spiritus rectificetur & recipiantur ejusdem rectificati Spiritus ℥ijj Spir. vitriol. Antepilept. volatilis ℥j Aqua Anhaltina ℥℞ Conf. Alkerm. comp. ℥ij Spec. Diamb. ℥℞. Mist digerantur in vase Hermeticè clauso per 14. dies postea filtrentur & usui servantur.

Aliam quoque idem Junkenius loco cit. habet aquam, quam ex Frideric. Hoffmanni Thesauro pharm. Sect. I. n. 29. omni fidelitate in chimiam suam experimentalem pag. 489. transtulit, quando Spiritus vini ter super formicas rectificati mensuras quatuor sumit, additque. Rerb. Meliss. Mij Cort. Citr. ℥℞ Cinam. ℥ij Caryophyll. ℥ij Cardam. Cubeb. ana 3vj Rad. Zedoar. ℥ij Mast. Styrac. Calam. Benz. ana. ℥℞ postea digerit per 8 dies species has, & destillat, imponitque rostro alembici Moschi ℥℞ & spiritum hunc iterum à novis formicis abstrahit.

Spiritus Formicarum ex officina Regis Danie

℞ Herb. Urtic. Rom. recent. m. j. Beton. Chamedr. Chamepith. Salv Rosmar. Majoran. ana. m℞ fl. Lavendul. Sambuc. Primul. ver. a, Mj. Basil. Stæchard. Arab. ana. pii. Rad. Rhod. Conf. Anacardin. ana. ℥j ℞i crudi, ℥℞ infunde incisa in Spir. vini opt. ℥vij. vel IX, & destilla po-

postea in spiritu hoc à phlegmate separato suffoca formicarum viventium cum ovis & ramusculis adhærentibus MIV, adde aluminis crud. ℥ij, macerentur per 24 horas & per longioris colli phiolam eliciatur spiritus. *Vide hunc spiritum in Bonetti Medicin. Septen. Libr. I. Sect. 18, Cap. 30. p. 182.*

Aqua Arthritica Hoffmanni.

Hanc Autor in Thesaur. Pharm. Sect. I. n. 6. p. 3. ita parat:

Rx Acervi formicarum n. 1. affunde spiritus vini optimi. mens. XII. & destilla, adde postea Cinerum abietis MIV, Primul. ver. MVI. Baccar. Junip. ℥℥ fl. Calend. MVI. Beton. Sambuc. Summit. Arbor. Vitæ. Fol. Salv. Lauen. Rosmar. Iva artetic. ana MIV. Cubebar. ℥i & destilla iterum. Hinc infunde rad. Pyrethri ℥iij stent indigestione & filtrentur.

Animadversiones in Aquas Magnanimitatis compositas.

In Aquâ Magnanimitatis Schröderi primâ, quæ species vel confectionem Anacardina recipit, melius sibi consulere Medicus videtur, si Anacardina sibi relicta adsumat. Constat enim *Confectio Anacardina* imprimis Mesuæ, ex magnâ ingredientium sine iudicio conglomeratorum farragine, adeo, ut vix grj. in unam redundet dosin, cum tamen ingentem spem roborantem in Anacardiis communiter ponant auctores, quæ etiam si ad ℥j pro unâ dosi adsumantur, tantos tamen effectus vix edent, quantos communiter Confectioni tribuunt, quin imò sæpè ab aromatibus quibusdam viribus superantur. Cum itaque non stet promissis vulgaris Confectio Anacardina, juxta *Ludovicû in Pharm. mod. p. 497.* perpetuâ oblivione digna est. Correctior verò operationem magis ab accessoris, quàm Anacardiis habet, præterea quoque admodum est ingrata vulgaris Confectio propter *Butyrum*, quod rancorem facile contrahit, & propter exiguam sacchari quantitatem, de quo *vid. Zwelferi. Pharm. Aug. pag. 253.* Hinc *Hoffmannus in Clave Pharm. p. 50.* Aquam Magnanimitatis Schröderi taxat, eamque tam propter Conf. Anacardinam, quàm propter Castoreum naribus & palato admodum, ingratam rejicit, horumque loco *Melissam, Cortices*

tices Citri, Ambram, Moschumque recipit. Quod si verò sal-
tim species Anacardinae recipiantur, tunc butyrum ea non ingre-
ditur & ingratus sapor inde non est metuendus. Superflua etiam
diuturna digestio, & vix possibilis ea est, quæ usq; ad dissolutionem
formicarum continuanda centraque hujus animalculi tam ar-
ctè non cohærent, ut non sine diuturnâ digestionem referari possint.

In secundâ & tertiâ Schröderi Aquâ, loco Confectionis Anacar-
dinæ Mesuæ, rectius *Zwelferi*, quam in *Pharm. Reg. p. 181* habet,
assumendam, & eam tamen post destillationem addendam esse
ducimus, quia non omnia ingredientia v. g. *Lign. Aloës, Ladanum,*
Styrax æque promptè super Alembicum elewantur, imò Spiritus
Vini super lignum aloës destillatus, ne alteratur quidem teste *Lu-*
dovico in Pharm. mod. p. m. 460. Castoreum verò crudum non tam
benè destillandæ huic aquæ additur, quam extempore Essentia e-
jusdem, si necessitas urget, cum jam destillatâ Aquâ miscetur. *Spe-*
cies Dia Moschi dulces etiam in tertiâ Aqua post destillationem ad-
dendæ, ne Lignum Aloës iterum, Margaritæ & Corallia, quæ eas
ingrediuntur in capite mortuo remaneant. *Aquæ verò destillatæ*
commodè omittuntur ne Spiritus Vini ad extractionem fiat
ineptus, & rectificationem quoque *super sal proprium* parum pro-
ficuam esse ducimus, cum alcali istud potius acidum volatile ab-
sorbeat.

In Kuhnradi aquâ Herculeâ *Magisteria Perlarum & Corallorum*
rectius omittuntur, vel horum loco Perlæ & Corallia in substantiâ
recipiuntur, quæ melius absorbent humores acres, ubi id necesse
est, quàm ipsa Magisteria, modo non ipsarum formicarum acidum
aggrediantur. Magisteria enim hæc, Calces sunt inutiles, men-
struo solvente & liqore præcipitante saturati, unde ne utiqvâ sim-
plicium vires attingunt, in invertendo & absorbendo, cum nō omni
acore sint orbata, imò ipsarum perlarum præparatarum quoque
efficacia tanta non est, ut omnibus modis propriarū testarum, Coral-
liorum, ipsorumq; Lapidum Cancrorum vires superent, quanqvàm
Perlæ laudem omnem non denegemus imprimis in formâ pulve-
ris & in majori dosi propinatis, quod etiam *notat Zwelferus p. 195.*
in Pharm. Reg. ubi ad 3j cum fructu exhibitæ fuisse testatur. *Car-*
tilago verò sive Os de Corde Cervi vix superat Corallia Lap-69 &

Cornu Cervi præparatum, imò in multis nequidem æquat. *De*
Liquoribus Solis & Luna, qui hanc Aquam ingrediuntur, non omni-
nò certum ferre possumus judicium, quia modus, quomodo pa-
randi sint non est consignatus. Pro ratione verò menstruorum,
& parandi modi hæc medicamenta sua habent fata, suasque ope-
rationes. Communiter liquida Medicamenta ex Sole parata (sive
Tincturæ, sive Olei, sive Liquoris, sive Spiritu nomine veniant:) pro-
universali pharmaco & panaceâ venditant, quæ animam jamjam fu-
gientem retinere & nolentem volentem corpori alligare posse cre-
duntur, sic, ut eorundem encomia magna scriptorum Chymico-
rum complectantur volumina, cum nunquam Tantalus inundis sty-
gios adeò latices procetur, quantum isti auri heluones liquores hos
venantur. Nos nullo modo quidem Soli suum in Medicinâ dene-
gamus usum, cespitamus tamen in loco, unde multi corruere præ-
cipites, pauci jactantiæ notam evasere, imò satius esse ducimus,
si hoc ævo è medicamentis aurum, quàm ex auro Medicamenta
parentur. Certant enim adhuc inter se auctores, & nondum con-
veniunt, tam de usu, quàm de parandi modo, aliis in omnibus mor-
bis desperatis Tincturas solares laudantibus, aliis eas rejicientibus,
aliis ad extractionem earum hoc, aliis alio menstruo utentibus.
Hic m. negat Tincturâ ex auro ita extrahi posse, ut caput mortuû re-
linquatur album, alius affirmat. *Ettmüllerus quoq; qui in Chym. p. 122.*
veras Solis Tincturas magni facit, & vires Anodynas & Analepticas
iisdem tribuit, seqve Chymicum novisse testatur, qui aquâ albican-
te insipida, spatio sex horarum aurum in liquorem rubicundum
in igne non coagulabilem solverit, ultrò tamen fatetur, veras So-
lis Tincturas adhuc desiderari. & *Zwelf. in Mantiss. Spagy. p. 322. qui*
docet, quomodo separari possit sulphur Solis à corpore, ita ut cor-
pus instar calcis albæ resideat, nullo ingenio, nullaque arte redu-
cibile, non tamen pro universali Pharmaco Tincturas Solares ven-
ditat. & *Ludov. qui l. c. p. 292.* tam per Mannam, quàm per rorem,
& olea aromatica &c. Solis Tincturas speciosas paravit, fateri
cogitur, vires earum aut tantas non fuisse, quantas passim iis-
dem tribuunt, aut in quibusdam à mensuris concentratis, vel in-
tegre servatis & non à Sole resolutis prodiisse.

Majora ad huc dubia circa liquorem Luna occurrunt, cum
adhuc

adhuc incerti sint Chymici, utrum à Luna, an verò à Venere Tincturarum Lunæ oriatur color. A Venere extractum esse eundem, inde probabile videtur, quia hæc cum Luna tantum non semper est combinata, & quia optimæ Tincturæ Lunares cum spiritu Salis ammoniaci parantur. Salammoniacum verò Venerem in cæruleum rodit colorem. Soepè etiam Tincturæ Lunæ in minima dosi propinatae vomitum excitant, ut Venerea. Vomitus verò teste *Pecblino de Purg. p. 282*, à Lunæ sulphure oriri nequit, quippe quod nimis fixum est, unde æris admisti culpam esse, est probabile. Hinc bonos Tincturæ Lunæ effectus (si qui sequuntur) non tam à Lunâ, quam à Spiritu salis Ammoniaci dependere multi volunt. De quo vid. *Zwelf. in Mantiss. Spag. p. 333. Wedel. in Pharm. acroam. p. 514*. Liberum itaque cuique relinquimus, an Aquæ Magnanimitatis tales Tincturas addere velit, nec ne, modo non nimium iisdem tribuat, & memor ægrorum erumenæ sit, ne pauperibus cum fortunis sanitatem eripiat, sibi que caveat, ne pro ratione menstrui vel præcipitatio vel effervescencia in Aquâ Magnanimitatis oboriatur.

In Junkenii primâ Aquâ Magnanimitatis *digestio* quæ in acervo formicarum instituitur, nullius est usus, & destillatio melius per arenam quam per M B. fit. *Confectio* verò *Alkermes* rectius post filtrationem additur, quia aliàs in filtro remanent multa ejusdem ingredientia, v. g. *Perle, Corallia, folia auri, Pulvis Ligni Aloes, Lapis Lazuli &c.* In altera Junkenii Aquâ melius omittuntur *Mastiche, Styrax & Benzoe*, quia resinosa hæc corpora minus promptè super Alembicum elevantur. Quamquam enim partium quarandam aerearum jacturam patiantur, potior tamen earum pars & virtus in fundo remanet; Imò *Mastiche juxta Zwelferum in Pharm. Rag. p. 254.* minus dextrè humidis destillationibus committitur, cum potius siccâ destillatione per retortam indigeat, & ideo *Ludov. p. 509. in Pharm. mod.* Essentiam Mastiches liquidam cum Spir. Vini alcalifato paratam præfert Aquæ Mastichinæ correctæ & communi, & spiritui abstractitio decocto que tanquam magis saturatam. *Styrax* etiam rectius ad suffimenta, & massas ad fornacem & perfumationes recipitur, quàm internè propinatur, non secus ac *Benzoe*, exceptis floribus, magis ad suffitus & aulica-

rum liqvores, quam ad Medicamenta interna recipitur. *Mosebus* etiam rectius recipienti inditur, quam rostro Alembici, quia hoc modo non opus habet, ut juncturas rostri & recipientis cum damno præterlabatur.

In Aquâ Magnanimitatis, quæ in Officina Regis Daniæ extat, præter ea, quæ in præcedentibus de Confect. Anacardinâ monuimus, *Tartarum crudum* rectius omittendum esse statuimus. Parum enim vel nihil super Alembicum de virtute suâ dimittit, etiamsi diutius coqvatur, sed saltem aciditatem liqвори, in quo coqvitur, communicat, *vid. Zwelf. in Pharm. Reg. p. 244.* Parum etiam ad referenda centra specierum destillandarû potest conferre, & Spiritus Vini jam per se est sufficiens. Non minus *Alumen crudum* fixum est Minerale, quod parum de virtute suâ super Alembicum, imprimis per phiolam dimittit, & si dimittat, aquam magis reddet compostam & acidiores, viresque ejus multum immutabit, imò acidum Volatile in fixum aliquvaliter mutabit, unde hoc quoque rectius omittitur. Neque enim clavis vice fungi potest, cum acidum in formicis parum sit ligatum, & si fortius esset ligatum, alumen tamen non posset referare vinculum & principium ligans sine suppressione partium volatilium: Non etiam videmus quo fine addantur Fl. *Sambuci*, & Loco *Urticæ Romanæ* nos semen ejus assumere, quia hoc teste *Matthiolo p. 861.* Venerem stimulat.

In Aquâ Arthriticâ Hoffmanni timemus ne cineres acidum formicarum absorbeant, vel in Alcalinum Spiritum, eumque maximè ingratum, pro interno quidem usu, medicamentum mutant. Rectius etiam formicæ selectæ sine nido & ovis adsumuntur, quia nidus nullas largitur virtutes, quæ super Alembicum evehi possent, & ova etiam Spiritui Vini parum communicant, & quod communicant, non tam acidum, quam alcalinum est. *Radix Pyrethri* verò magis externè ad Unguenta Paralytica vel Cataplasmata vesicatoria recipitur, & ad Apophlegmatismos etiam refertur, sed teste Ludovico dentibus non est amica, unde ibi quoque eam, ut in Aquâ Magnanimitatis omittimus, nisi forsan hæc pro solo usu externo paretur. *Arbor vitæ* quoque exiguas habet vires Antarthriticas, licet Oleum ejusdem *Francus in florâ* ibidem commendat, & si quas habet, non tamen super Alembicum dimittit.

Aqua

Aqua Magnanimitatis correcta.

Si nostro res staret iudicio, majoris efficaciae videretur esse Aqua magnanimitatis si hoc modo pararetur:

Rx. Formicarum crescente Luna, mense potissimum Majo vel Junio collectarum, à nidi ramentis purgatarum q. v. affunde Aquæ Apoplecticæ nostræ, vel tantum q. s., vel ana, cum Vino Malvatico optimo ad eminentiam trium digitorum, ac destilla post unius vel alterius diei digestionem per Alembicum lento Igne, usque dum insipidus sit liquor, qui destillat. Spiritum hunc bis vel ter super recentes formicas eodem modo cohoba, & ultimâ vice adde: Herb. Meliss. Serpill. Majoran. Pol. montan. Chamædr. Chamæpith. ana Mj. Fl. Anth. Lil. Convall. Spic. Salv. Serpill. Majoran. Rosar. rubr. ana piii Cort. Citr. Aurant. ana Zij Ambra 3j. Moschi 3ß. Cinnamon. opt. 3iij Caryophyll. 3ß Cardam. Cubebar. Macis, ana 3j Sem. Pæon. 3ij siliquarum Vanilla numer. 6. M. & repete destillationem. Hic Spiritus pro ratione intentionis potest misceri cum guttis aliquot olei Cinamomi, granoque uno vel altero salis Volatilis Cornu Cervi aut sucuni. Potest etiam Ambra & Moschus ex tempore addi, ne inter destillandum pars volatilior per juncturas vasorum penetret, vel potest Spiritus misceri cum Essentiâ Ambrae. Potest porro loco Aquæ Apoplecticæ assumi Aquæ Reginae Hungariae, Elisabethæ, cujus descriptionem habet *Prævotius Remed. Select. p. 17.* vel spiritus Lil. Convall. aut Lavendulae. Hoc medicamento qui recte uti noverit, & non ut furiosus gladio, meritò habet cur sibi gratuletur, & ægro, nunquam enim satis laudari potest.

Nota

Ingredientium vires sigillatim recensere, operæ non videtur pretium, cum plurima sint quàm notissima. Sola *Vanilla* indiget, ut quid sit, & quibus viribus gaudeat, tribus exponamus verbis. Est vero siliqua herbæ Mexicanæ Tlilxochitl dictæ, fusco gaudens colore, quæ figuram gladii, seu vaginae refert, à quâ nomen habet. Planta, in quâ siliqua hæc crescit, instar convolvuli arboribus maritari gestit, & excrescit in undecim pollicum longitudinem, foliisque plantaginis foliis similibus, ast pingvioribus & magis viridibus, floreque nigro gaudet. Siliqua grato odore & sapore pollet,

pollet, & gaudet potissimum viribus Cephalicis, Stomachicis, atq;
Cordialibus, urinamque & menses etiam pellit. de quo vid. Eras-
mus Francisc. in Ost- und West-Indischen auch Sinesischen Lust-
Garten p. 493. & *Traitez nouveaux & curieux Du Café, Du Thé
& Du Chocolate par Philippe Sylvestre Dufor*. Auctor laudatus de
usu Vanillæ p. 281. refert sequentia: La Vanille que d' autres a-
pellent Mecasuchil est une gouffe d' une odeur tres-agreable &
d' un gout acré. Elle fortifie l' estomac, & le cœur: elle atténue
les humeurs épaisses & visqueuses, & est un excellent remède contre
les venins. Mêlé avec le Tabac, elle corrige l' odeur désagréable
de sa fumée. *Plura videsis in Excell. Dn. Præsid. Collegio simpli-
cium sive de Materia Medicâ.*

Usus Aquarum Magnanimitatis correctarum.

Affectus, in quibus Aquæ hæ correctæ efficaciam pollicentur,
non sunt levioris armaturæ milites, sed morborum certè gravissi-
mi & facile principes. Inter Nervina enim teste experienciâ & sa-
niorum Practicorum suffragio primo stant loco, sicut in omnibus
ferè affectibus Capitis & Cerebri frigidis, spirituum defectu ac mo-
tu imminuto, nervorumque debilitate, post salia Urinosa Volati-
lia, plurimis aliis si non palmam præripiant, dubiam certè reddant.
Multum tamen etiam conferunt aromata, quæ unâ recipiuntur,
& in omnibus affectibus frigidis sæpè præsentissimum sunt reme-
dium, unde non in solis formicis, sed in composito toto vires, quas
communiter Aquis ejusmodi tribuunt, collocamus. Profunt verò

(I.) In Apoplexiâ ob insignem vim resolventem, aperientem
& discutientem; sive enim sanguis seu Lympha extra vasata poros
cerebri obstruant, & Spirituum motum inhibeant, sive defectus
spirituum animalium peccet, ad utrumque respiciunt Aquæ Ma-
gnanimitatis, & præsentaneam sæpè ferunt opem, quatenus extra
vasatos humores incidunt, attenuant, & in motum cogunt, Spiri-
tus animales restaurant, eorumque, & massæ sanguineæ motum ci-
tatiorem reddunt. Parandæ verò hoc in affectu sunt vel cum A-
quis Apoplecticis, vel cum spiritu Liliorum Convall. Spicæ aut Fl.
Anthos, & miscendæ cum Essentiâ Succini, Castorei, Ambra, oleo
Cinamomi, ac salibus Volatilibus refractè, vel cum iis interpolandæ.

Infor-

In formâ verò potionis exhiberi possunt, cum Aqvâ Epilepticâ Langii, Ceraforum Nigrorum, Lil. Convall. Fl. tiliæ, liqvore CC. succinato, vel Spiritu Bezoardico Busii, Conf. A kermes compl. Succino, Cinnabari nativâ & similibus.

(II.) In Epilepsiâ, Syncope Paralyfi & tremore artuum optimè segerunt hæ aqvæ, quatenus Nervos roborant, & temperamentum totius restaurant, imprimis cum jam laudatis medicamentis mistæ. Hinc Bonettus l. c. Spiritum Formicarum Officinæ Danicæ in Paralyfi cum Aqvâ Lavendulæ, vel aliâ convenienti, ad cochlear unum exhibet, commendatqve eum pro usu externo in eodem affectu, & aliud linimentum Nervinum p. 181. Libr. I. Sect. 18. cap. 30. hōc modo parat.

Rx. Spiritus Formic. Comp. Lumbric. terrestr. Aqvæ Apoplect. Spir. Vini Camphorati ana ℥ij Essentie trium pipereon ℥j. ʒij. Sem. eruc. ʒß Aluminis plumosi, Euphorb. ana ℥j hæc digerit in vitro & colat. Rectius tamen ex nostrâ sententiâ Alumen plumosum in substantiâ applicatur, quia cuti affrictum calorem excitat, & urticantis vicem subit, colatum verò in filtro remanet. Nos externè Spiritum Formicarum simplicem miscemus cum Spiritu salis Ammoniaci, Cornu Cervi, Lumbricorum terrestr. Aqvæ Apoplect. Ess. Camphor. &c. Interdum etiam Olea addimus v. g. oleum succini, spicæ, Caryophylor. Petroleū &c. ubi linimentum Nervinum dat egregium. Non verò semper immediatè parti affectæ applicandum est, sed potius circa insertionem Nervorum, & magis tepidè, partes quoque affectæ prius calidis pannis fricandæ sunt. Non minor usus formicarum in substantiâ externus, in hoc affectu laudatissimus est, cujus in sequentibus meminerimus.

(III) In Arthritide, Podagrâ, Malo Ischiadico, fornicationibus, & omnium Nervorum Doloribus insigni cum emolumento exhibentur, imprimis cum Aqvâ Reginæ Hungariæ, vel Spiritu Lil. Convall. paratæ, & cum Ess. Succini, vel Spir salis Ammoniaci succinato, vel spiritu Bezoardico Busii & Opiatis mistæ, imprimis si Cinnabarina, succinata & absorbentia interpolentur. Externè verò jam laudatum Linimentum Nervinum in Podagrâ omnem facit paginam, quod sæpè secunda vel tertia vice applicatum dolores penitus sedat, Olea tamen ibidem omittimus.

(IV.) Me.

(IV.) *Memoriam roborant, morosi laborantibus conveniunt, timidosque magnanimos reddunt.* Hinc Mnemoniconum Spirituum, Aquarum Magnanimitatis & vice Maslach veniunt nomine, quatenus spiritus animales reficiunt, torpidos in motum cogunt, eosque disponunt, ut antea consuetum motuum typum promptè repetant. Hinc *Staritijs in Heldenbach p. 86.* cum, qui hoc Spiritu utitur internè & externè, armaque eodem inungit, adversus decem vel plures esse testatur; imò superari non posse; de quo tamen modestè judicandum est.

(V.) *Exhilarant etiam animum & Melancholicis conveniunt,* quatenus Spiritus in motum cogunt, humoresque stagnantes incidunt. Hinc *Kubnradin Medull. Destill. p. 386.* in plenilunio parat ex acanthide, fringillâ, Luscinia, Passere, Sangvine galli albi, & formicarum manipulis duobus vel pluribus, cum Majoranâ, spicâ Indicâ, Rosmarino, Caryophyllis, & Spiritu Vini Rhenani, quibus post destillationem addit Croci optimi tantillum. Hunc Spiritum adeò exhilarare dicit, ut etiam moestissimi & maximis curis implicati infortunii sui obliviscantur, frontemque exporrigant, quasi lethæis Aquis usi essent. Hinc miscendum cum Vino in conviviiis suadet, non secus ac multi hodiè utuntur Essentiâ Ambraë ad inebriandum. Miscendi verò in Melancholiâ hi Spiritus sunt cū Essentiâ *Flor. Hyperici, Anagallidis, Castorei, spiritu salis ammoniaci* refracte, & *alia* etiam in subsidium vocanda cum Antihypochondriacis aliis. Parat etiam pulverem idem Autor ex cerebellis avium jam laudatarum, Corde Luscinia & sangvine Galli in clibano exsiccatis & addit Ambr. Succin. Coryophyll. Crocum, Os de Corde Cervi, Perlas. Corall. vel cum Conservâ fl. anthos in Electuarium redigit.

(VI) *Frigidos invenerem armant;* quatenus particulis suis oleosis sulphur sanguinis augent, & salinis Volatilibus spiritus in motum cogunt. Parandi verò hoc in casu sunt cum Vino Malvatico, & Aquâ Apoplecticâ, & miscendi cum Ambra, vel Essentiâ Ambraë, Oleo Cinamoni, sale Volatili Cornu Cervi, spiritu sanguinis Galli, & cum trochiscis stimulantibus Minsichti, aliisque interpolandi, recipiendus etiam est Moschus, qui sanguinis sulphur rare-

rarefacit, de cuius virtute Aphrodisiaca vid. *Scræckius in Hister Mos-*
chi. Possunt etiam Pilulæ Aphrodisiacæ hunc in modum parari:

Rx. Resine Xyloaloes, Extract. Rad. Eryng. spec. Diaborac. Minsicht a
ß Ambr. gr. ij Moschi opt. gr. j. olei Formicar. ether. gutt. iij Aqua
Magnanimitatis q. s. M. F. l. a. Pilula D. S.

Faciunt etiam externè officium, & membra frigida calefaci-
unt, imprimis, si misceantur Aquæ hæ cum Oleo Succini, Caryo-
phyll. Spicæ, Petroleo, Zibetho, Moscho & aliis. Non verò his
stimulantibus solis utendum est, sed Analeptica & alia interpolan-
da sunt, aliàs vel non operantur, vel naturam penitus obruunt, ex-
siccando nimium & calorem præternaturalem excitando, Hecti-
camque & tabem dorsalem facilè inducunt.

§. 3.

Spiritus Formicarum Urinosi

& quidem

Spiritus Formicarum simplex per se.

Rx. Formicarum à nido mundatarum, q. s. destilla per retor-
tam, augendo ignem per gradus, & acquires Spiritum, qui cum Spiri-
tu Salis mistus fumum excitat, cum Spiritu Vitrioli effervesceit aliqua-
liter: Ex nigris verò cum eo saltim fumum excitat, & leniter effe-
vesceit cum Spiritu Sulphuris: Contra cum Spiritu salis Ammoniaci
ex cineribus clavellatis, ut & cum Calce Vivâ parato, It. cum sale
proprio ex Capite mortuo parato, sale tartari, oleo ejusdem per deli-
quium, & Spiritu Lumbricorum Vestr. amice coit. Ettmüllerus in
Chym. p. 149. Spiritum hunc inter Spiritus acidus refert, quod etiam
plurimi faciunt, eumq; cum Calce vivâ & Aquâ simplici mistum
effervesce, & martem in crocum solvere testatur. Nos Spiritum
hunc magis urinosum, quàm acidum esse putamus, quia magis
amice coit cum Urinosis quàm cum acidis, ebullitionem etiam cum
Calce vivâ non notavimus. Crocum verò post biduum quidem, non
promptè, ut Spiritus acidi, ex ore extrahit, sed illud etiam Spiritus
salis Ammoniaci facit. Cum sale Ammoniaci tamen mistus Urinosum
odorem notabiliter non excitat, sed forsan ob partes oleosas, cum id
Spiritus Lumbricorum terrestrium etiam non faciat. Semel nihilo-

G

minus

minus notavimus Spiritum hunc formicarum per se destillatum cum sale Tartari effervescentiam excitasse, unde quandoque etiam una aciditas quasdam elevari partes suspicamur, quanquam & spiritus Salis ammoniaci quandoque cum oleo φ ri in coagulum abeat. Propellitur etiam in hac Operatione oleum copiosum nigrum, admodum ingratum, quod in omnium spirituum Urinosorum destillatione acquirimus, pro natione tamen additorum in colore & odore aliquavali-ter variat.

Spiritus Formicarum Urinosi cum additamentis parati.

\mathcal{R} . Formicarum mundatarum part. j. v. g. \mathcal{B} j Arena, vel Cinerum clavellatorum, vel Calcis Vivæ, vel limaturæ Martis, vel boli vulgaris p. ij. v. g. \mathcal{B} j Probè mista destilla per retortam vitream ex arenâ, ubi spiritus prodit, qui cum acidis Spiritibus effervescit diversimodè, & fumum excitat. Cum bolo enim paratus, cum spiritu salis, Nitri & vitrioli leniter effervescit, & fumum excitat; cum sale φ ri & spiritu salis Ammoniaci amicè coit; cum arenâ eodem modo, sed minus fortiter cum acidis spiritibus ebullit, & cum spiritu salis Ammoniaci amicè coit. Cum limaturâ Martis iterum paulò fortius cum acidis ebullit, & cum Urinosis amicè coit. Cum Calce vivâ paratus cum acidis fumum excitat, cum Urinosis coit, & cum sale Ammoniaco ferè nullum odorè Urinosum ciet. Cum Cineribus clavellatis paratus cum acidis spiritibus fortiter effervescit, cum sale Ammoniaco verò lenem excitat odorem Urinosum.

Ratio horum experimentorum videtur esse, quia Alkali fixum additum absorbet acidum in formicis, quod sal Urinosum aliquavali-ter sub jugo detinebat, unde postea hoc sui juris fit, & mediante Igne propellitur. Hinc etiam non per omnia cum alcalibus istis fixis formicæ coeunt amicè, sed in mistione vitrum notabiliter incalêscit. Eodem modo acquirimus spiritum Urinosum ex formicis, si eas integras putredini exponimus, donec urinosum spirent odorem, & postea per retortam destillamus. Effervescit enim fortiter cum spiritu salis, vitrioli & nitri, & fumum etiam emittit; Sed cum spiritu salis ammoniaci amicè coit. Effervescit etiam ille formicarum Spiritus, qui cum sale communi per retortam destillatur cum Spiritibus aci-
dis,

dis, vel saltem fumum excitat, & cum spiritu salis ammoniaci amice coit
quia forsan partes terreae in sale communi partes urinosas propellunt
& acida cum Capite mortuo in sal Enixum mutantur.

Spiritus è Nymphis Formicarum.

Rx. Nympharum, sive Ovorum improprie ita dictorum
q. v. destilla per retortam, vel sine omni additamento, vel cum pau-
xillo arenae, & habebis spiritum Urinosum, qui magnam partem cum
Spiritu Lumbricorum terrestrium convenit, & cum acidis Spiritibus
aliqua lter effervescit, & fumum excitat. Eodem modo Spiritus
Vini super ova per Alembicum abstractus cum acidis spiritibus mi-
stus fumum excitat, cum Urinosis coit. & colore leniter albicante gau-
det, sapore verò odoreq; Spiritus Vini non mutantur, unde parum de
sale Volatili saltim secum super Alembicum abripuit. Ex Capite
mortuo enim, sive ovis residuis destillatur Spiritus Urinosus per re-
tortam, ut ex ovis recentibus. Oriuntur quoque per putrefactio-
nem vermes ex his ovis, ex quibus Spiritus Urinosus elicitur, qui cum
acidis effervescit & cum Urinosis amice coit.

Quod verò Spiritus hi formicarum Urinosi non tam prom-
ptè effervescent cum Spiritibus acidis, ac forsan spiritus salis am-
moniaci cum Cineribus clavellatis paratus, illud hos Spiritus non
tàm medios esse, aut sale volatili paucò gaudere indicat, quam sa-
lia Volatilia ligata ab Oleosis particulis copiosè admistis testatur.
Olea enim inviscant & cohibent acida & urinosa salia, eorumque
spicula obtundunt, ut non nisi amice coeant. Participant etiam
Olea de acido & alcali & cum utroque Sale coeunt, unde qua-
si Proxenetæ sunt inter acida & urinosa. Hinc etiam cum Spiritu sa-
lis & Vitrioli Spirit. Lumbr. ∇ strium misto fumum saltim excitat; &
Spirito Cornu Cervi ac salis ammoniaci Cinamomifato, vel anisatus
non tàm fortiter cum Spiritibus acidis effervescunt, ut Spirito salis-
ammoniaci supra laudatus, licet spiritus merè urinosi sint, & Spirito
Lumbricorum ∇ strium cum sale ammoniaco mistus nullum ferè
urinosum excitat odorem, Spiritusq; salis ammoniaci cum Cineri-
bus Cayell. paratus, qui antea fortiter cum acidis affervescibat, si
cum oleo Anisi destillato misceatur, minus cum acidis efferve-
scit.

Uſus Spirituum Urinoſorum

Conveniunt hi formicarum ſpiritus magnam partem cum Spiritu Lumbricorum ∇ ſtrium, Eboris, CC. ſaliſammoniacy, & ſimilibus, omneſque internè propinari poſſunt, excepto forſan eo qui cū Calce Vivā paratur, quia tamen admodū ingrati ſunt, & odore etiam, colore, & ſapore multum cum Spiritu Lumbricorum terreſtriū conveniunt, ideò nos fere externè ſaltim iis utimur. Conveniunt verò ibi potentiſſimū in *Apoplexiā*, & *omnibꝫ affectibus ſoporosis* à motu Spirituū deficienti oriundis, It. in *Epilepſia*, *Syncope*, *Lipotbymiā*, *Arthritide*, *Podagra*, *omnibꝫqꝫ nervorum doloribus* ac debilitate, multisque aliis à Sale acido oriundis affectibus. Penetrant enim intimius per poros, & ſtagnantes humores & Spiritus in motum cogunt. *Sanguinem etiam grumofum*, ut omnia ſalia Volatilia *reſolvunt*, indeque enatas Inflammationes diſſipant, & *ſudorem movent*. Hinc & in *Eryſipelate*, quatenus particulis ſuis mobilibus motum ſanguinis reſtaurant, propinari poſſunt. Sicuti tamen *Spiritus CC.* cum ſale ſuo Volatili magis in febribus malignis, *ſaliſammoniacy* magis in quartanā, *succinata* magis in catharhis, *Viperarum ſal volatile* in febribus malignis, ut & cutis affectibus, *buſonum* in hydrope, & Urinæ obſtructione exhibentur; ita *formicarum Spiritus Urinoſi* magis ut *Lumbricorum* in affectibꝫ Nervorum, eorumque doloribus conveniunt, quatenus acidum lancinans tam in ipsis Nervis, quàm in primis viis, & maſſā ſanguineā hærens abſorbent, humoresque viſcidos & ſtagnantes incidunt, & in motum cogunt, rarefaciunt, diſſipant, porosque obſtructos reſerant. Propter ingratum verò ſaporem rectius admiſcentur *Linimento Nervino* ſupra laudato loco Spirituum acidorum. Applicantur etiam cū fructu naribus ad excitandos ægros in affectibus ſoporosis cum hæ vires cum reliquis Urinoſis communes habeant. Commodè etiam *inunctiones dorſales* & membrorum cum hiſ ſpiritibus inſtituuntur in omni Nervorum debilitate, imprimis, ſicum Aquis Apoplecticis ana miſceantur. *Olea* ſpirituum Urinoſorum non tam ſuper caput mortuum, quod aliis placet, quàm ſpiritibus adhuc juncta ſuper alembicum rectificata vel ſine rectificatione ad linimenta nervina in tremore artuum, paralyſi, ariduris, & atrophia partiali ſum-

summo cum fructu recipimus, & miscemus cum oleo lumbricorum terrestrium, succini spicæ, caryophyllorum, petroleo &c. *Ettmüller. in Chym. p. 152.* olea animalium ad gutt. iij l. V. interne propinat ad eliciendum sudorem, in quo eum non sequimur. Commendat idem olea animalium externe in tumoribus duris & scirrhis, ubi nostrum non stat post principia.

THESIS VII.

Sal Volatile Formicarum.

*Rx. Spiritus Formicarum Urinosi cum sale suo Volatili uniti, & ab oleo separati q. v. excipiatur cucurbita longioris colli, vel phiolâ superposito Alembico, & adaptato recipiente, ubi lentissimo Igne propellitur sal Volatile candidum, quod separandum est prius, quam Spiritus unâ ascendat, unde removendus Alembicus, aliusq; imponendus, qui si in illo quoque Salis Volatilis vestigia apparent, etiam mutandus est, ut in reliquorum salium Volatilium separatione fieri solet, de quo vid. *Rolsincii. Chym. p. 125.* Prodest hoc sal Volatile in doloribus vagis Scorbuticis, & in Arthritide egregium est remedium, quatenus nimium acidum dolorificum destruit, ejusque spicula infringit. Qui tamen hoc sal Volatile Spiritui suo junctum, quod *Spir. Formicarum essentificati venit* nomine, internè assumere posset, majorè inde sentiret effectum, & in hac formâ liquidâ etiam vires salis hujus magis integræ servantur. Effervesceat verò hoc sal cum omnibus acidis & cum sale ammoniaco urinosum excitat odorem.*

An vero hoc Formicarum sal figurâ concretum referat, id nos affirmare non audemus, quanquam in sale Volatili Cornu Cervi quidâ id sibi notasse videntur, non secus ac alii in Aquâ spermaris ranarum parvas ranulas fuisse repertas affirmant & *Salmuth. Cent. 2. Obs. 83.* ex salivâ Canis rabidi fimbriam togæ mordentis vermiculos canino capite gaudentes natos fuisse testatur.

THESIS VIII.

Usus Externus

Dictum quidem in Antecedentibus est de usu Spirituum acidorum & Urinosorum externo; hoc verò loco sermo erit partim de

oleis, partim de formicis in substantiâ, & quæ crudiori & simplici-
iori modo exinde parantur.

Linimentum Nervinum

R. Olei Form. rectif. Spir. Lumbr. terrestr. Salis ammoniaci ana. $\mathfrak{z}\mathfrak{j}$
M.F. l.a. Linimentum. Prodest hoc in luxationibus & tumoribus ex-
inde oriundis, multisque in aliis Nervorum doloribus & tumoribus
nunquam satis laudari potest.

Balnea ex formicis medicata.

Hæc sunt vel minoris apparatus & simplicia, vel majoris &
Composita; Simplicia ex formicis tantum cum nido & ovis ac A-
quâ simplici parantur, ubi potissimum in Mense Junio & Julio for-
micæ cum additamentis leniter de coqvuntur & postea vel unum
saltim membrum, vel quod melius, totum corpus iisdem fricatur,
vel etiam infessus & semicupia exinde parantur, ubi sacculo in-
sidere juvat, vel saltim balneum vaporosum juxta *Ettmüllerum*
instituitur, quod tamen minoris est efficaciae. Laudat balnea
per decoctionem formicarum etiam *Bonettus in Medicinâ Septentr.*
p. 181. & se iisdem cum fructu usum esse testatur in foeminâ Pa-
ralysi dextri lateris cum loquelæ imminutione laborante &
Schroeder. l. 5. de anim. p. 71. lotiones ex acervo formicarum com-
mendat in affectibus Hystericis & Cachexia, *Junkenius vero in*
Chym. p. 831. propriam allegat experientiam quod in Arthritide
profuerint.

Compositæ sunt, ubi Nervina ex
regno vegetabili potissimum selectiora adsumuntur unâ & con-
junctim in usum vocantur, qualia à nobis hunc in modum ordi-
nantur.

R. Rad. Pyrethri, Paon. ana. $\mathfrak{z}\mathfrak{i}\mathfrak{j}$ Herb. Serpill. Salv. Laven-
dul. Rosmar. Poleimont. Origan. Majoran. Beton. Meliss. Chamædr.
Chamapith. a Mij. Fol. Lauri, Summit Pini ana. Mj. Fl. Laven-
dul. Primul. Veris Salv. Stæchad. Arab. Lil. Convall. Rosar. ana.
 $\mathfrak{p}\mathfrak{i}\mathfrak{i}\mathfrak{j}$. Baccarum Juniper. Wiß Lauri $\mathfrak{z}\mathfrak{j}$ nidi formicarum cum ovis
& formicis integris no, l. M. D. S. Species jun. Bade. In-
terdum etiam unam vel alteram saltim herbam cum formicis
coqvimus, v. g. Serpill. Beton. Meliss. &c. *Michaelis in apparatu*
for

formular. p. 682. addit in Arthritide Scobis Ligni Juniperini. vel Cinerum ejusdem Mij. & Guajaci ℥j. Sulphuris ℥j. Ois. ℥iij ℥. Lumbricos. exsiccatos.

Profunt hæc balnea in *affectibus Nervorum* & eorum debilitate, potissimum in *Paralyfi, Arthritide vagâ Scorbaticâ, stupore membrorum, contracturis, sterilitate & similibus*. Præservant etiam à *Podagrâ, Arthritide & Apoplexiâ* ipsa, & post podagram roborant membra, imprimis si post balneum totum corpus, vel membrum affectum *Spiritu Lumbricorum terrestrium & formicarum* ana vel in contracturis etiam *Oleis* horum spirituum inungantur, & ante ingressum *Cinnabarina* & similia exhibeantur, quod vel centies bono cum successu in usum vocavimus. Fidem verò vix merentur, quæ de podagra per formicas viventes curatâ referunt *Ephem. Germ. Dec. II. Aun. 4. pag. 206. in Append.* Parochum quendam Podagrâ unâ & Chiragra laborantem à formicis casu in lectum delatis, morfu exceptum, fuga sibi consuluisse, posteaque in somnum incidisse, cum sudore insequente largissimo, & ab illo die ob omni insultu podagrico immunem vixisse. Potest tamen terror, si res ita se habet, remedii loco fuisse, & formicæ forsan morfu suo aliquam materiæ peccantis partem ex ægro abstulerunt corpore. Refert enim *Kircherus de arte Magnetic. Lib. III. p. VIII. cap. 4.* in territorio Romano in monte quodam speluncam esse duorum tantum hominum capacem, Italis *La Grotta delli serpi* dictam, in qua nudi expositi *Arthritici, Paralytici, Leprosi, Elephantiaci* aliisque desperatis morbis laborantes, mox halituum subterraneorum calore in sudorem resolvuntur, & serpentum pro repentium, totumq; corpus implicantium suctu, linctuque, ab omni vitioso humore privantur, ut repetitò per tempus aliquod hoc remedio, tandem perfectæ sanitati restituantur. Confer. *Clarissimi Becmanni Historia Geographica pag. 309.*

Usus Formicarum febrifugus.

Conrad. Kuhnrad. in Medull. Destill. p. 376. tribuit formicis vim sympatheticè curandi febres intermittentes quascunq;. Testatur enim intra quatuor dierum spatium easdem fugari, si Ovum gal-

gallinaceum recens in ægri Urinâ coctum, & excorticatum condatur in acervo formicarum. Alii extremitates ungvium digitorum resecant & sub acervo formicarum condunt, eamque, quæ primò hæc resegmina trahit, corripunt, ac de collo suspendunt, *vide Plin. l. 28. c. 7. p. 1240.* Nos curationem hanc febrium intermittentium non quidem pro genuinâ agnoscimus, multò minus febres hõc modo tutò & rectè curari posse nobis persuademus. Curationes tamen morborum Sympatheticas in totum non negamus, quia omnia morborum hõc modo sublatorum exempla, quæ passim prostant, in dubium vocare non audemus. Videatur, ut alios taceam, unicus Bartholinus in *Act. Hafniens. Vol. 5. p. 241.* qui docet modum quomodo Icterus per placentulas ex farina & Urinâ ægri paratas in canes & cattos transplantetur, si iis placentulæ objiciantur, ut devorent; item quomodo per solam applicationem persicariæ contusa æquorum dorsa curent, si post applicationem herba in profluentem projiciatur, & quæ sunt alia. Nulla etiam aliàs posset dari ratio, cur pulvis sympatheticus, sive Vitriolum ad albedinem in sole calcinatum toties sanguinem sistat, si cum calido sanguine excreto misceatur, & cur non sistat, si cum frigido misceatur? Cur excrementa calida combusta dolores & ulcera ani sæpè excitent? Cur tela, quibus vulnera cuiquam sunt inflicta igni exposita dolores ingentes excitent in vulneribus, & quæ sunt alia? Si verò statuimus effluvia ex corporibus nostris emanantia non omnia dissipari, sed quædam, imprimis maximè volatilia, ad nos recedere, & secum rapere alia in aère obvia effluvia; & redeuntia illa corpus nostrum variè vel benè vel malè afficere, pro ratione hospitum novorum, quos unà afferunt, tunc expedita res esse videtur. Quod verò non omnia, quæ è corporibus viventium migrant, dissipentur, exinde probabile videtur, quia solidissima etiam corpora, qualia sunt Electrica, effluvia sua repetunt. In animali etiam regno tanta est copia effluviorum per insensilem transpirationem exhalantium, ut assumptorum alimentorum pondus fere æquent, si cum excretis per alvum ac Urinam computes. Hinc vix credibile videtur alimenta conservando corpori, multo minùs ad augmentationem sufficere, si non unà redeant quædam effluvia. Teste enim

enim *Sanctorio Medic. Statica Aph. IX. p. 17.* tantum evacuator per insensilem evacuationem unâ die naturali, quantum per alvum quindecim dierum cursu; & unius noctis spatio quadraginta uncia, & ultra, per occultam perspirationem evacuantur, ut plurimum sedecim uncia lotii, plus minus, quatuorve coctorum excrementorum per alvum *Aph. LIX.* Si verò cibus & potus unius diei est ponderis octolibrarum, transpiratio insensilis ascendit ad quinque circiter *aph VI. p. 3.*

Medicamenta Otica ex Formicis.

Mynsichtus in Armament. Med. Chym. pag. 460. oleum Formicarum recipit ad oleum suum Acovisticum, quod in surditate, doloribus ac tinnitu aurium commendat, & ad apostemata rum-penda, & ulcera manantia curanda abhibet. *Prævotius in Remed. selectis p. 110.* succum ex ovis formicarum expressum & filtratum cum moscho calidè imponit in surditate antiqua, quod etiam de ovis asserit *Schroederus lib. 5. de Animal. p. 71.* Potest tamen hic multum conferre Moschus, quia gaudet viribus attenuantibus, & rare facientibus, obquam causam indebilitate auditus etiam à *Schrockio* commendatur in *Historia Moschi. Conradus Kunrad. p. 376.* recipit ovorum formicarum ʒj miscetque cum felle leporis integro, & addit mel ad pondus omnium, probeque mista matutino & vespertino tempore in aures instillat, vel horum omnium loco oleum formicarum applicat. Miscet porro succum ex ovis cum lacte muliebri & auribus instillat, vel cum oleo Juniperi & petroleo, vel saltem cum succo puleji. Nos sæpius usi sumus misturâ sequenti; *Rx Olei Acovistici Myns. Succi ovorum formicarum expressi ana. ʒj Spiritus salis Ammoniaci ʒij ambra granj moschi gran. j. M. D. in vitro. S.* præmittimus tamen semper universalialia, imprimis cephalica & sudorifera, & nunquam hic à Tòpicis facimus initium, memores *Wilb. Fab. Hildan.* qui centuria quinta observ. 25. testatur, Theophrastum nil unquam in fudisse auribus, sed superim posuisse tantum de quo *vid. Velsch. in Achill. Gasenii obs. Medic. 50. 61. pag. 32.*

Medicamenta Ophthalmica.

Schroederus lib. V. in Pharm. Med. Chym. liqorem ē formicis majoribus, vel earum ovis in clibano paratum, laudat in suffusione. *Kunradus pag. 376.* ova formicarum rubrarum imponit linteo, solisque calori eas exponit, succum verò exinde destillantem vitro excipit, quo vesperi oculos inungit. Destillat etiam per Alembicum ex formicis per se Aquam Ophthalmicam, quam ad tres, vel quatuor guttas vesperi inditam, suffusionem tollere testatur. Alii oleum formicarum per Alembicum cum Spiritu Vini paratum in suffusione laudant. Nimium tamen his in oculorum affectibus non esttribuendum, licet acidiuscula oculis amica sint, & ob sua abstergere vel incidere humores stagnantes possit.

Medicamenta Aphrodisiaca externa.

Mynsicht in armam p. 468. Oleum formicarum hoc modo parat. *Rx. Formicarum vivarum, seminis eruce q. s. redige tundendo in pastam, & vitro inditam materiam soli expone, donec oleum exinde per expressionem separari possit, quod separatum Balsamum suum venereum appellat, eoqve plantas pedum, regionem pubis & perinei ungit, quò modò torpentes mirabiliter excitare asserit, etiam à maleficio ligatos. Galenus nullum præsens remedium ad excitandam Satyriam esse contendit, quam si formicæ oleo Sambuci extingvantur, & hoc oleum externè applicetur. Laudat oleum formicarum per infusionem cum oleo sambuci paratum etiam Arnoldus Villanovanus & Sinibaldus in Geneantropia Libr. 3. Tr. IV. pag. 403. Schræderus verò Libr. V. pharm. Med. Chym. p. 71. & Kunradus oleum ex formicis alatis cum oleo communi parant.*

Nos olea ex formicis per destillationem parata, tum ex spiritibus acidis & urinosis, tum quæ cum Spirit. Vini ex formicis super Alembicum elevata jam laudatis parum concedere nulli dubitamus. Sale enim volatili pollent & æ copioso, quæ spiritus excitant, & membra roborant. Videntur tamen omnia hæc tantum mollicellos aliquantum juvare, minùs verò emeritos, & rarò ligatos. Imò solis his sine internis & roborantibus aliis, nunquam est fidendum, vid. *Ludov. in Pharm. med. p. 584.*

Psilothra ex formicis.

Aldrovandus in Histor. in Sect. Lib. V. pag. 210. ovor. formicarum ℥ij cum succo Hyoscyami & sanguine vespertilionis miscet & fricat loca pilosa bis vel ter dedie, pilosq; exinde excidere, & nunquam renasci testatur. Alii parant unguentum hunc in modum. R̄. Succo ovor. Form. ℥℔ Gumm. Hedera ℥j. Arabici ℥℔ solve in aceto vini optimo, & adde auripigmenti ℥℔ M. F. L. a. Unguentum Alii R̄. ovor. form. m. ij. cum fol. Hedera arbor. m. j. exprime succum ex his & in eo Gummi Cerasorum dissolve. Porro aliud fit ex ovis form. cum succo Hyoscyami, & Herba Cicuta, semine psylli, & sanguine Vespertilionum, testudinumq; anaticè mistis. Sola etiam ova terendo loca pilosa depilare, testantur alii.

Enimvero non omnia hæc unguenta promissis stare videntur, sicut experimentum cum ovis sibi relictis spem nostram fefellit. Reliqua, quæ Arsenicum recipiunt, non tam ob succum ovorum formicarum & ingredientia reliqua, quam ob Arsenicum, casum pilorum promovent, quod etiam facit, *Mynsicht Ung. de calc. viva*, quod pag. 493. habet. Arsenicum enim radices pilorum rodit, & ipsam cutim, unde post horum unguentorum applicationem, loca depilata, oleo, vel unguento Rosarum, vel aqua calida, vel lacte calido, vel lixivio quodam ablucenda, ne quid in cute ulcerationis relinqueretur, vel Arsenicum per poros se insinuet. De quo vide: *Disput. Dn. Præsidis de Arsenico*. Succus Hyoscyami quidem prohibere creditur, ut non renascantur pili, quod de eo etiam testatur *Frideric. Ponzettus Tr. de Venenis*, sed experientiam nostram non possumus allegare.

Usus Cosmeticus formicarum.

Schroëderus in pharm. Med. Chym. p. 886. L. V. p. 71. formicas majores tritas sale communi mistas in Psora, Lentiginibus & Lepra cum fructu illini statuit, quod Plinius Lib. 30. cap. 3. jam suo novitavo. Hodie tamen eo fine non facile in usum vocantur, vel saltem iis solis nemo fidei, quanquam ob sal suum Alkali ibi quoque non nisi fructu adhibeatur. Eodem modo terra à formicis egesta, strumas & Podagram vix curabit, & ova cum muscis trita ad denigranda supercilia non amplius adhibemus.

Recipitur porrò ad suffimigia dolorem dentium sedantia, quatenus Sale suo volatili acrimoniam humorum acidorum rodentium, & genus nervosum irritantium, absorbet, serumque stagnans in motum cogit. De quo videat. *Strolberg de Podagra dentium & Grembsius in arbor. integr. & ruinos. hominum L. II. c. 1. §. 11. n. 41. 91.* Ad ulcerum suffimigia præscribit, propter vim egregiè siccantem. *Hieronymus Reusnerus in Observationib. à Velschio editis pag. 14.* refert, Empiricum quendam hanc formicarum massam pulverisatâ Epilepticis in aqua florum Tiliæ, vel pœoniæ, cum fructu propinasse. Potest etiam ad Emplastra stomachica recipi, & cum Mastiche Tacamahaca, & oleis destillatis misceri, vel potest *Emplastrum nervinum* exinde parari hunc in modum, quanquam in Topicis parum ultra vulgarem resinam agere videtur.

Rx. Emplastri de Betonica ʒj. de Cic. ʒß Thuris formicarum ʒij. olei formicarum rectificati q. s. M. F. L. a. Emplastrum. Prodest in plurimis Nervorum doloribus, & tumores etiam discutit. Superstitionem verò sapit illud quod Thus formicarum à mercatoribus gestatum, vel suffimigii loco in usum vocatum, efficiat, ut merces citius vendat.

Modus fugandi formicas.

Sunt, qui putant, alas Vespertilionum in acervum formicarum projectas, prohibere, ut prorumpant, cor verò earundem ut & noctuæ & upuæ injectum, omnes fugare. Cretâ alii arcere eas ab arboribus gestiunt, quia superlineas cum eadem ductas non benè migrare possunt. Cineres etiam non benè ferunt, & jactu horum ab apiariis arcentur. Origanum non minùs pulverisatum, cum sulphure & sale communi mistum, & in acervos sparsum easdem fugare dicitur, & fumum etiam storacis & Asæ foetidæ ac domunculos cochlearum calcinatos, & pulverisatos cum storace mistos perferre non posse creduntur, Fel lyncis vero cum oleo olivarum mistum, ac cum linteamine arbori applicatum, omnes formicas accedentes enecare creditur. An verò eventus in omnibus respondeat, nobis experiri non licuit. Probabile tamen videtur, spem per omnia non fallere, quia similes effectus
in

in aliis videmus. Sic serpentes tantopere lignum fraxini fugere dicuntur, ut arboris nec matutinas nec vespertinas umbras attingere audeant, licet sint longissimæ. Si verò circulus conficiatur, cujus una pars sit ignis, altera frondibus fraxini sit clausa, & serpens in medio collocetur, tunc serpentem potius in ignem, quam in fraxinum fugere dicuntur, de quo videatur Diemerbroeck de peste pag. 133. qui etiam fumum ligni juniperini & ejus baccarum accensarum serpentes è tota vicinia fugare dicit. Sic fumus pennarum upupæ accensarum ranas fugat, & contra nepeta è longinquo feles allicit.

S. D. G.



Co-

COROLLARIA.

I.

Serpens omnium pulcherrimus Tziscatlinan dictus, quem Nierembergius Formicarum Matrem appellat, in nostris regionibus non reperitur in acervis formicarum.

II.

Formicæ, ut omnia animalia & Insecta, pediculos habent.

III.

Ars Aeronautica ex Euclidis principiis demonstrari potest.

IV.

Cartesii & Le Grand demonstratio Tonitru, quam ille de Meteoris cap. VII. p. 269. Hic in Instit. Physicæ part. VI. cap. XXII. p. 503. habet, est ridicula.

V.

Hominem per artem posse fieri Amphibium non contrariatur principiis Anatomicis.